



Broj: 02-05-1- 1506 /18
Datum, 04.07.2018.godine

ZAPISNIK

Sa 19. sjednice Općinskog vijeća Maglaj
održane dana 04.07.2018.godine u 09,30 sati u sali
JU Dom kulture «Edhem Mulabdić» Maglaj

Predsjedavajuća OV, na osnovu člana 59. Poslovnika o radu Općinskog vijeća i zaključaka Kolegija od 25.06.2018.godine, Programa rada Općinskog vijeća za 2018. godinu i ukazane potrebe otvaram 19. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDA-a, SDP-a, SBB, DF, HDZ, Stranke za BiH, samostalni vijećnici Mustafa Buljubašić, Mustafa Bešić, Fikret Delić i Kanita Bašić.

Poziv na sjednicu i materijal dostavljeni su OSCE-u Terenski ured Travnik, sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 18. redovnoj sjednici Općinskog vijeća.

Današnjoj sjednici Općinskog vijeća prisustvuje 25 vijećnika.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo verifikaciju zapisnika sa 18. redovne sjednice Općinskog vijeća.

Da li ima primjedbi na zapisnik sa 18. redovne sjednice? Nema.

Jednoglasno je verifikovan zapisnik sa 18. sjednice Općinskog vijeća.

Otvaram raspravu po pitanju dnevnog reda. Da li ima prijedloga za proširenje dnevnog reda?

Vijećnik Safet Jašić, na Kolegiju Općinskog vijeća je rečeno da tačka, pošto nisu bili materijali gotovo i da će tačka 2 i 3. biti naknadno dostavljena blagovremeno. Mi nismo dobili u roku dobili smo ih sad na sto, ne znam kad su stigli mailom i mi predlažemo da se ove dvije tačke skinu s dnevnog reda. I ranije smo imali takav stav po pitanju materijala za koje nemamo dovoljno vremena da se pročitaju, ovaj put predlažemo da se skinu 2 i 3. Tačka dnevnog reda. U protivnom mi nećemo podržati dnevni red. Mislim da su ovo veoma bitne tačke dnevnog reda i ovo je trebalo da svaki vijećnik izčita jer su važne tačke dnevnog reda.

Predsjedavajuća OV, na sjednici Kolegija je jednoglasno usaglašeno da će se materijali za ove dvije tačke dnevnog reda dostaviti do održavanja sjednice Općinskog vijeća, obzirom da su javne rasprave održane krajem prošle sedmice, te da je u ponedjeljak trebalo službi vremena da pripremi materijale i dostavi vijećnicima.

Javljam se za riječ po pitanju dnevnog reda.

Vijećnica Svjetlana Zamboni, moram upoznati i ostale članove Općinskog vijeća sa dopisom koji je došao ispred JU „Dječiji vrtić“ gdje su se obratili sa zahtjevom za raspisivanje Konkursa za popunu mjesta člana Upravnog od bora ispred Ustanove. Vi znate da je sadašnja direktorica bila član UO, te da u skladu sa zakonom ne može obnašati i funkciju člana UO, te je potrebno popuniti to mjesto. Imamo naznaka da bi vrlo vjerovatno jedna od članica UO, mogla iz privatnih razloga napustiti članstvo u UO, ukoliko to tako bude bit će potrebno popuniti i to mjesto. Ja bih danas aplicirala tačku dnevnog reda, a to je raspisivanje Konkursa za popunu mjesta člana ili članova UO JU „Dječiji vrtić“. Ukoliko dozvolite ja bih već u toku sutrašnjeg dana utvrdila činjenice da vidim da li i član UO gospođa Elifa napušta članstvo iz privatnih razloga, ako bude tako onda bi to bilo za dva člana UO.

Drugi moj prijedlog vezan je za dnevni red koji smo dobili u sazivu i usaglađen na Kolegiju, ove dvije tačke Prijedlog Odluka o zaštiti izvorišta rijeke Bistrice i prijedlog Odluke o vodozaštitnoj zoni Misurići, smatram da vjerovatno ni sama Služba nije imala dovoljno vremena kao ni mi vijećnici da provjerimo usklađenost ovih dokumenata sa Prostornom dokumentacijom općine Maglaj, obzirom da nije hitno donošenje ovih odluka, predlažem da ove dvije odluke ostavimo za narednu sjednicu Općinskog vijeća, što će znatno skratiti današnju sjednicu Općinskog vijeća.

Pauza za pauzu mješovitog kluba

Vijećnik Mustafa Bešić, mješoviti klub je donio jedan stav da se tačka 8. skine s dnevnog reda, a ostali dio podržat ćemo.

Pauza za Klub SDA

Vijećnik Safet Jašić, Klub vijećnika SDA kada je u pitanju 13. i 14. tačka mi ostajemo pri svome stavu.

Nećemo podržati raspisivanje Konkursa za UO iz razloga što smo kod imenovanja direktorice imali stav da direktorica ne bude član UO jer smo predvidjeli šta će se dogoditi u narednom periodu da bi ona nakon nekog vremena podnijela ostavku sada.

Što se tiče druge kandidatkinje ne znamo njene razloge ostavke i ne bi se u to upuštali.

Tražimo da se ide na izglasavanje po prijedlozima.

Vijećnik Hajrudin Fermić, vezano za ove nove momente prijedloga dnevnog reda. Kao prvo ja ću prihvatiti da tačke 2 i 3. Ostanu na dnevnom redu iz prostog razloga što smo imali kompletnu proceduru provedenu od samog donošenja Odluke o pristupanju izmjene Regulacionog plana, zatim nacrt, pa smo imali javnu raspravu i evo sad imamo prijedlog. Ono što je iskreno rečeno u materijalima neka suštinska razlika između nacrtu i ovoga što imamo vrlo je mala i neznatna, tako da nema nekih posebnih velikih razloga da se skida.

Što se tiče treće tačke ove Odluke o parking prostorima, ja sam za to i diskutovt ću kad dođe ta tačka dnevnog reda, da ono što je prošlo kompletnu redovnu proceduru od nacrtu odluke do konačnog prijedloga Odluke prihvatiti, a ono što nismo imali prilike da razmatramo a reći ću još neke druge razloge a to su ovi pravilnici i Anex 2, da ostavimo za narednu sjednicu Općinskog vijeća kada ćemo kao vijećnici imati priliku da zauzmemo i političke stavove a isto tako i puno kvalitetnije da raspravljamo o tim pravilnicima na koje treba da damo svoju saglasnost kako je i Zakon propisano. Ništa nema sporno da se ov dvije odluke nađu na dnevnom redu.

Kada je u pitanju da se skine Odluka o javnim priznanjima i moja politička opcija je bila blizu tog razmišljanja da damo još malo vremena za neke dodatne konsultacije, za neke dodatne i prijedloge i provjere itd., tako da ja nemam ništa protiv da se ta odluka skine i prihvatiti ću taj prijedlog.

A što se tiče ove Odluke o izvorištima vodozaštitne zone, tu isto kao i u ovoj Odluci o javnim parkinzima ono što sam dobio jučer i grafički prikazi ne daju mi dovoljno vremena da danas o tome kvalitetno raspravljam, pa ću prihvatiti i to da se skinu te tačke s dnevnog reda.

Ono što je i najvažnije, moram replicirati kolegu Jašiću. Direktorica je na vrijeme podnijela ostavku u JU „Dječiji vrtić“ blagovremeno. Također ono što se u međuvremenu ovih dva mjeseca desilo jeste da je gospođa Elifa Mustabašić, privatni su razlozi, nažalost svakog dana ona i suprug čekaju poziv da odu i da oputuju i odsele iz BiH iz Maglaja u inostranstvo i sasvim fer i korektno je da je rekla da će ponuditi ostavku, što ste vi i rekli da je naznaka, i što mi trebamo na vrijeme i o tome da razmišljamo. Ukoliko se to desi onda bi UO bio u nekoj situaciji da praktično i ne može obavljati svoje zakonom propisane funkcije. Tako da ću ja prihvatiti da se ova tačka stavi na dnevni red.

Vijećnik Safet Jašić, obrazloženje je odlučno što je gospodin Fermić iznio, a da li je bilo teško malo napisati obrazloženja za dvije kandidatkinje koje su u ovoj situaciji, zar je bilo teško pripremiti i dostaviti vijećnicima, čula-kazala, dajte malo da se baratamo papirima, pismenim dokumentima itd. Nikakav ne bi bio problem, mi bi to odmah podržali. Prema tome obrazloženje za obje kandidatkinje i to je to.

Predsjedavajuća OV, nakon ove diskusije o dnevnom redu i iznesenih stavova i nekoliko pauza, prijedlog po prijedlog stavljat ću na glasanje, a nakon glasanja pročitati dnevni red kako ispadne nakon glasanja.

Prvi prijedlog bio je prijedlog SDA da se skinu tačka 2 i 3. s dnevnog reda.

Glasalo 11 glasova za: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 13 glasova protiv: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici.

Glasalo 1 uzdržan glas: Josip Jurišić (HDZ).

Konstatujem da ovaj prijedlog nije dobio potrebnu većinu.

Sljedeći prijedlog bio je vezan za tačke 13. i 14. Da se skinu s dnevnog reda.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici.

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 uzdržan glas: Josip Jurišić (HDZ).

Konstatujem da su ove dvije tačke skinute s dnevnog reda.

Sljedeći prijedlog je bio da se uvrsti tačka dnevnog reda, raspisivanje Konkursa za popuna člana ili članova UO „Dječiji vrtić“

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBIH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici.

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 uzdržan glas: Josip Jurišić (HDZ).

Prijedlog koji je iznio predsjednik Mješovitog kluba da se tačka 8. skine s dnevnog reda

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBIH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici.

Glasalo 12 glasova uzdržano: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik, Josip Jurišić (HDZ).

U skladu sa glasanjem pročitat ću dnevni red:

DNEVNI RED

1. Informacija o nastalim štetama na području općine Maglaj uslijed prirodne nepogode od 5/6.05.2018.godine;
2. Prijedlog Odluke o izmjeni Regulacionog plana Centar Maglaj-sjeverni dio- (Biljinac Bekrija)
3. Prijedlog Odluke o javnim parkiralištima na području grada Maglaja;
4. Prijedlog Odluke o javnom redu i miru;
5. Prijedlog Odluke o određivanju prostora i objekata za javno okupljanje građana na području općine Maglaj;
6. Prijedlog Odluke o sigurnosti saobraćaja na cestama općine Maglaj;
7. Prijedlog Rješenja o utvrđivanju prava svojine u korist Ibraković Safete (otkup zemljišta ispod garaže);
8. Prijedlog Odluke o dodjeli studentskih stipendija redovnim studentima sa područja općine Maglaj za akademsku 2017/2018. godinu;
9. Prijedlog Opštih Kriteriji za dodjelu stipendija redovnim studentima dodiplomskog studija sa područja općine Maglaj za akademsku 2017/2018. godinu;
10. Informacija o planu upisa u osnovne i srednje škole na području općine Maglaj;
11. Odluke o razrješenju članova Vijeća Mjesnih zajednica i Odluke o imenovanju povjerenika u:
 - a) MZ Ulišnjak;
 - b) MZ Misurići;
12. Prijedlog Odluke za raspisivanje Konkursa za popunu člana ili članova UO JU „Dječiji vrtić“;
13. Informacija o preduzetim pravnim koracima od strane Općinske pravobraniteljice i administracije vezano za predmet „Transey“;
14. Informacija o stanju zaštite od požara na području općine Maglaj u 2017. godini;
15. Informacija o toku i aktivnostima na izradi Prostornog plana općine Maglaj;
16. Informacija o gazdovanju šumama na području općine Maglaj za 2017. godinu;

AD – 1 - Informacija o nastalim štetama na području općine Maglaj uslijed prirodne nepogode od 5/6.06.2018.godine;

Anto Maglica, jedan od zaključaka sa Vanredne sjednice Općinskog vijeća koja je održana poslije onih dešavanja od 6.5. ove godine je bilo da se na sjednicama Općinskog vijeća da nekakva informacija i o štetama i onim poduzetim mjerama i postupcima za hitnu sanaciju nastalih šteta. Na prošloj sjednici imali smo jednu informaciju u vidu izvještaja o nastalim štetama koja je ovdje izglasana, tako da je ovdje u naslovu Informacija o nastalim štetama možda suvišna. Ja sam u ovoj Informaciji dok sam je radio napisao Informacija o sanaciji šteta nakon prirodne nesreće i ova informacija je napisana do 22.06. znači ovdje u ovom materijalu imate navedene one mjere i postupke koji su poduzeti na sanaciji šteta uglavnom na lokalnim i nekategorisanim putevima na području općine Maglaj.

Mogu reći da je sve što je rađeno na sanaciji šteta plaćeno iz Proračuna Općine Maglaj cca preko 100.000,00 KM, znači uglavnom su to sredstva namjenska planirana u Budžetu. Također imamo određene informacije i obećanja

od viših nivoa vlasti da bi Općina Maglaj mogla dobiti određena sredstva da bi hitno sanirala ono što je najvažnije, najkritičnije kad su u pitanju infrastrukturni objekti, a to su putevi, mostovi, potporni zidovi i slično.

Otvaram raspravu

Molim vas da odmah nakon što izvjestilac završi, javljate se odmah za raspravu, ukoliko ja zaključim raspravu, idemo odmah na narednu sjednicu dnevnog reda.

Vijećnik Edib Delić, želim da skrenem pažnju na par informacija kad je u pitanju informacija o nastalim štetama uslijed elementarnih nepogoda. Zna da je i moja mjesna zajednica bila pogođena uslijed tog nevremena i do dana današnjeg nije sanirano, onaj put koji je najviše oštećen kod mene je prohodnom stanju, međutim kanali i propusti svi su zapušeni i nije urađeno ništa na sanaciji istih. Ono što najviše zabrinjava je voda je oštetila i asfaltni put koji je postavljen prošle godine. Već naravno ne možemo zabraniti ti tereti i kamioni koji idu tim putem već je došlo do lomljenja novog asfalta i do propadanja istog. Ja bih zamolio nadležnu Službu da se u narednom periodu proba iznaći neko rješenje da se sanira taj dio puta. Ne trebaju velika sredstva, ali dajte da zaštitimo ono što imao, što smo uradili i da ne propada.

Vijećnik Hajrudin Ferić, slušajući gospodina Maglicu sjetio sam se svoje kolegice na radnom mjestu Nađe Mehinagić koja je zvala sa našeg službenog telefona vas Maglica, koja je plakala i bukvalno u očaju izgovorila šta je sve izgovorila. Malo zloupotrebljavam to što sam tu bio prisutan, a i ono što po društvenim mrežama često pročitamo svi da ne znam ni ja od Bajrama do danas neke kuće u Jablanici su pet puta poplavljene i te ljudske sudbine koje se dešavaju i svu onu našu raspravu kad je bila informacija o prirodnim nesrećama i kad je bila ova Informacija sa izvještajem od posljednjim prirodnim nepogodama, protkala je jednu nit, jednu činjenicu, jedan zahtjev koji je pred nama svima, a to je dakle, moj prijedlog da se zaista dogovorimo ljudski odgovorno, a kasnije politički, da mi u septembru ili oktobru mjesecu imamo jednu tematsku tačku, gdje ćemo je nazvat kako god da je nazovemo a da imamo na umu da to treba da bude neki akcioni plan preventivnih mjera koje su u nadležnosti Općine Maglaj.

Zaista je puno tih nekakvih priča i zahtjeva i svi su stručnjaci na terenu, pogotovo kad su ljudske sudbine u pitanju, a mi bi volili da čujemo ovdje i struku šta kaže i kad je u pitanju ta brana na Bijeloj Ploči o kojoj se već puno govorilo i kad su u pitanju opremanje tih domaćinstava nekim vrećama s pijeskom, produbljivanje korita itd. Pa sve do inspekcijskog nadzora. To su neke male stvarčice koje su u nadležnosti nas ovdje, a nekako nam se dešavaju vrlo često ove prirodne nepogode i u takvoj smo situaciji a nismo malo o tome opširnije i detaljnije govorili. To je nekakav moj prijedlog, koliko vremena treba vama u Službama i Civilnoj zaštiti da napravi neću reći po Zakonu o zaštiti i spašavanju plan prevencija, nego jednostavno što će nama biti politička vodilja da bi mogli u narednih 3-5 godina da uradimo, neki presjek stanja i nešto što bi eventualno mogli u našoj nadležnosti da uradimo kad je u pitanju ova informacija.

Vijećnik Safet Jašić, jasno je da se informacija prima k znanju, a ono što smo mogli primjetiti nismo baš oduševljeni ovom informacijom. Mislimo da je trebalo raditi u nekim tezama ili kako već šta je do sada urađeno poslije vremenskih nepogoda, šta se radi i šta će se raditi. To je jedna od stvari zbog koje mi nismo zadovoljni sa ovom informacijom I druga stvar je da se tu nalaze i neki podaci recimo put Šeher-Kopice nije zahvaćen vremenskom nepogodom nije na tom dijelu općine proglašena vremenska nepogoda niti je šta rađeno, ako se planira raditi, odlično je to, ali mislim da ne treba da se nađe ovakva stvar kada su u pitanju vremenske nepogode koje su proglašene na određenim prostorima općine, odnosno mjesnim zajednicama. To su primjedbe Kluba SDA i želimo da naredna informacija sadrži i ovakve elemente.

Vijećnica Ermina Muminović, ja sam izašla samo da zamolim Načelnika i sve one koji mogu pomoći što se tiče sanacije puta i mosta uz rijeku Bisticu. Ovdje piše izrada kamene obloge, međutim već treći dan Bajrama je bila jaka kiša i ovaj kameni oblog je poprilično ponovo otišao, pa je put dosta oštećen. To smo već ranije čuli i u informacijama i izvještajima da je taj put najviše stradao, pa molim što hitnije da se realizuje.

Vijećnik Adis Abdurahmanović, nadovezao bi se na izlaganje kolege Delića. Mi u Mjesnoj zajednici Kosova imam isti slučaj zapušenosti kanala. Prije par dana je došlo do slijeganja na jednoj ili dvije lokacije. Desilo se da je nakon poplava da je uslijed velike količine vode zbog zapušenosti kanala voda išla direktno putem i pojavile su se te pukotine. Imam informaciju da se nadležni iz Službe bili obišli taj teren i samo bih zamolio da se ustupi mehanizacija da se ti putevi očiste i da ne dolazi dalje do propadanja.

Vijećnik Nedžad Lokmić, ja sam izašao da u ime mještana Bijele Ploče izrazim zahvalnost i općinskoj administraciji i Službi i Načelniku na do sada učinjenom na popravci, saniranju šteta. Pominjao sam par puta i tu branu, pa i na prošloj sjednici Općinskog vijeća, problem puta ispod mostova koji su prije par dana sanirani. Ljudi su zahvalni, zahvaljuju, očekuju i dalje pomoć u saniranju i sprečavanju po mogućnosti tih nastalih šteta. I dalje je prisutan strah i zebnja kod ljudi od svake naredne poplave ali kao što reče gospodin Ferić trebamo svi zajedno poraditi na tome da se svi uključimo posebno služba u tome da se uradi nekakav vid elaborata, prijedloga da bi se ubuduće sprečavale ili na vrijeme sanirale i predvidjele takve štete. Još jednom veliko hvala u ime svih mještana Bijele Ploče.

Vijećnica Svjetlana Zamboni, podržavam diskusiju vezano za uvođenje jedne tematske tačke dnevnog reda za početak septembra, ili oktobra to će procijeniti Služba koliko je potrebno da se takav materijal pripremi i svakako i ako će biti diskusije u okviru posljednje informacije koja se našla na današnjoj sjednici. Putevi na području Jablanice i Rakovca poprilično su uništeni, i mehanizacijom i teško natovarenim vozilima koja prolaze tu vozeći drveni asortiman i ja bih u okviru ove tačke dnevnog reda predložila da se uputi jedno pismo uposlenicima ili rukovodstvu Šumarije da o tim putevima povede posebnu pažnju, jer su oni još dodatno uništeni kroz ovu poplavu. Naravno da stradanje tih puteva ne bi bilo u tolikoj mjeri izraženo da nisu bili prethodno još podrobljeni pod tim teškim vozilima. Također postoji jedan most koji je oštećen gore i koji onemogućava daljnju komunikaciju tim putem kroz Donji Rakovac, pa molim da u nekim narednim radnjama koje će biti provedene uzme se i ta lokacija u obzir.

Vijećnik Mustafa Bešić, što se tiče ovog dopisa kojeg smo dobili, ja ću sugerisati za mjesnu zajednicu Misurići. Propust podvožnjaka sanacija kanala imamo problem kod firme DKM i obilazim taj teren i poznajem taj problem, imaju tamo kanali ima propusna cijev koja ide ispod nadvožnjaka koja je skoro zatrpana. Imam informaciju da treba da se čiste ti kanali i putevi, tamo imamo i rezervoar vode koji snabdijeva grad Maglaj. Mislim da je krajnje vrijeme da neko sugeriše i ukaže na taj problem, jer svaka kiša donosi probleme građanima i ljudima koji tamo žive. Tražim da se očiste ti kanali jer to nije veliko ulaganje.

Vijećnik Josip Jurišić, informaciju ću primiti k znanju. Želim napomenuti još jedan put za ovaj most Fojnica – Tomići – Bradići. On je malo saniran privremeno i bilo bi dobro, stavljen je znak 1,5 t nosivosti i 10 /km/sat. Vi znate da dole idu i radnici i djeca u školu, bilo bi dobro da se stavi i on na listu prioriteta. Svima nam je jasno da je puteva puno a novaca jako malo. I ono u redovnom održavanju je malo, a kamoli kad nas još ovako vanredno iznenadi vremenska nepogoda, pa nastavu još veće štete. Put kroz Mladoševicu do groblja i gore više puta smo ukazivali na jako loš put, to je asfaltirano, grbavo, to su oni kamioni dosta uništili što su izvlačili ugali i da je to Budo-export o svom trošku malo uspjela to sanirati. Da se povede malo računa i za tu realaciju.

Općinski načelnik, sve sugestije koje su iznesene zabilježene su i ono što bude sredstava to ćemo i uraditi i u svakom slučaju ćemo po prioritetima kako su i poredani. Ova informacija jeste od 22. Dakle već je više od 10 dana u međuvremenu imamo određenih pomaka. Imamo dio sredstava odobrenih i od strane Federalnog ministarstva, od strane Federalne uprave CZ, imamo sredstva koja te prošli put dali na raspolaganje da utrošimo u sanaciju šteta. Imamo aktivnosti koje će provesti kantonalna uprava CZ i to uskoro kreće sa aktivnosti konkretno na terenu. Krenut ćemo sa sanacijom prioriternih objekata. Da ćemo sve moći u ovom trenutku završiti, nećemo sigurno.

Ja ne znam ko je stavio tri-četiri daske, znam kad sam izašao gore na teren, rekao sam komšiji gore mogli ste staviti koju dasku da ovo nije ovako propalo. Inspektor je stavio znak za ograničenje tereta zato što su prolazili preveliki kamioni za most i u dobrom stanju, a kamoli za most u onakvom stanju. Informacija i za vas vijećnike i za građane da vrlo brzo idemo sa sanacijom tog mosta, čeka se završetak građe, isporuka metalne konstrukcije, tako da ćemo u narednom periodu preko sredstava informisanja obavijestiti da će tu biti prekid saobraćaja, nažalost nije moguće uspostaviti komunikaciju od 2,3, ili 4 dana koliko već treba da se to sanira. Morat ćemo imati vanredan režim. Mogli smo do sada uraditi više da je i vrijeme dozvoljavalo više. Svjedoci ste da je stalno kiša i ne dozvoljava određene aktivnosti da se rade, dok vrijeme ne omogući konkretno na terenu. Evo na Bijeloj Ploči smo htjeli već ranije započeti sanaciju Društvenog doma ni put prema Jablanici onog potoka, još uvijek je aktivan. Velika je količina vode i onemogućava da se radi u tom trenutku, ali vjerovanto ćemo vrlo brzo doći u situaciju da i to saniramo. Vrlo brzo ćemo krenuti sa sanacijom i mostova na rijeci Jablanici.

Put Bistrica i tu idu dvije sanacije od strane Kantonalne uprave CZ i sanacije dva ona odrona sa novim potpornim zidovima, znači potpuna sanacija i ostaje još nekoliko značajnih oštećenja na toj putnoj komunikaciji koju ćemo odraditi putem resorne službe. Sve ono gdje budemo stigli i zašto budemo obezbijedili sredstva to ćemo i uraditi i naravno sve po prioritetima. Ono što morate evidentirati sebi, mi smo proglasili elementarnu nepogodu, poplave na pojedinim područjima općine Maglaj, ali na čitavom području općine Maglaj je padala jaka kiša i dosta je putnih komunikacija zbog nepostojanja kanala dugo godina ne održavanja kanala, zatrpanja kanala od strane pojedinaca itd. Pričinjavaju se značajne štete kod malo jačih padavima, nego što bi bile da su ti kanali godinama održavani. Ja bih htio i vjerujem da ćemo smoći snage da počnemo rješavati i taj problem sa odvodnjom oborinske vode pokraj puteva, time ćemo sigurno značajna sredstva uštetiti na stalnom popravljanju pojedinih putnih komunikacija. U narednom periodu bit će malo značajnih radova na sanaciji ovih šteta i očekujem odobravanje još određenih sredstava sa viših nivoa vlasti. Nešto od toga zahtijeva tendersku proceduru dok to sve prođe, lai na svu sreću pred nama je lijepo vrijeme tako da ćemo uspjeti to završiti za sva ona sredstva koja uspijemo mi obezbijediti iz svog Budžeta i za sredstva koja dođu sa viših novoa vlasti.

Predsjedavajuća OV, samo jedna pitanje Načelnice, da li možemo kao prijedlog zaključka osim ove jedne tematske tačke dnevnog reda predvidjeti da naredne informacije sadržavaju šta je urađeno, šta se radi i šta će biti urađeno u narednom periodu makar u trenutku kad se bude informacija radila.

Općinski načelnik, informacija će sadržati sve ono što mi u tom trenutku čvrsto budemo imali pred sobom na stolu, da ne vršimo nikakva predviđanja, ako bude ovo radićemo to. Ono što u tom trenutku budemo imali to ćemo i staviti u informaciju i vjerovanto će iduća informacija biti sadržajnije ili ako ništa drugo po pitanju otvorenih radova na terenu.

Preskoči sam pitanje mosta u Rakovcu. Most je porušen i najveći krivac za stanje i tog mosta i mosta u Bočinji jeste ŠPD koje vrši eksploataciju šume preko tim putnih komunikacija i mi moramo naći način s njima da to razriješimo. Uništavanje putnih komunikacija i mostova samo na štetu Budžeta Općine Maglaj moramo na neki način spriječiti. Da li će to biti, mi tražimo za rješenjem koje je zakonito, da li će to biti kroz takse za prijevoz za svaki kamion koji vozi određeni teret ili na neki drugi način, uglavnom pokušat ćemo naći to rješenje ili ako ne imate i vi alt u svojim rukama da se napravi zabrana izvoza s tih područja gdje se vrši uništavanje od strane pretovarenih kamiona, a ne vrši se nikakvo ulaganje od strane onog ko izaziva štetu.

Predsjedavajuća OV, većina diskusija svodila se na sugestije općinskoj administraciji za određene pravce, konkretni prijedlozi bili su za uvođenje tematske tačke dnevnog reda za neku od sjednica do 30. Oktobra, mjere prevencije i akcioni plan. Slijedeći prijedlog bio je vezan za sadržaj naredne informacije koji je došao od strane Kluba SDA.

Zaključujem raspravu i dajem na glasanje

- Informacija o nastalim štetama na području općine Maglaj uslijed prirodne nepogode od 5/6.05.2018.godine, prima se k znanju;

Z A K L J U Č A K

- 1.1. Zadužuju se Službe da do 30.10.2018.godine pripreme tematsku tačku dnevnog reda, koja će sadržavati presjek stanja nastalih uslijed poplava i klizišta, a istovremeno i ponuditi Akcioni plan preventivnih mjera za suzbijanje nastajanja šteta uslijed poplave koje će biti i vodilja za dalje postupanje s ciljem prevencije.
- 1.2. Informacija o nastalim štetama na području općine Maglaj treba da sadrži podatke o tome šta je urađeno na čemu se trenutno radi i šta se planira uraditi u narednom periodu.
- 1.3. Iznesene sugestije lokacija za sanaciju infrastrukturnih objekata oštećenih uslijed poplava uzeti u razmatranje prilikom određivanja prioriteta.

Usvojeno jednoglasno sa 25 glasova za:

Svjatlana Zamboni, Nedžad Lokmić, Mirza Bradarić, Armin Hrnjić, Irena Herceg, Firuz Galijašević, Anida Šahman(SDP), Muhamed Hrnjić,(SBB), Mustafa Bešić, samostalni vijećnici, Josip Jurišić (HDZ) Adis Abdurahmanović, Nedžad Alispahić, Avdić Selma, Mirsad Bejzić, Safet Jašić, Edina Jašić, Šefka Hasanić, Smajlović Dženita, Ermina Muminović (SDA) i Mustafa Buljubašić samostalni vijećnik, Elvir Vehabović, Mustafa Bešić, Fikret Delić i Hajrudin Fermić.

AD - 2. Prijedlog Odluke o izmjeni Regulacionog plana Centar Maglaj-sjeverni dio-

Fuad Hajrulahović, danas u sazivu materijala dobili ste prijedlog Odluke o usvajanju izmjene Regulacionog plana Centar Maglaj –s jeverni dio po zahtjevu Biljinac Bekrije. Na prošloj sjednici Općinskog vijeća usvojili ste nacrt i dali ste rok za obavljanje javnog uvida i javne rasprave. Ono što je novo od prošle sjednice to je da je Služba postupila po zaključku Općinskog vijeća, da je stavila dokument na javni uvid i isto tako da je održana i javna rasprava. Na javnu raspravu su bili prisutni 4 stanara iz zgrade tzv. „stambeno“ i bilo je zainteresovani podnosilac zahtjeva. U toku same rasprave iznesene su razni prijedlozi, mišljenja i sugestije. U prvobitnom su stanari imali informaciju da se zgrada pravi na 3 metra od njihove zgrade što nije tačno, zgrada se pravi na 11 metara i onda su bili zadovoljni tim. U daljem toku javne rasprave su izrazili mišljenje da su oni mislili da je on 11 metara od njegove međe, kad bi išao 11 metara od njegove međe ne bi zgrada ni mogla da stane. Onda su išli dalje pa im smeta i visina. Ja sam im obrazložio kao i nosilac izrade Regulacionog plana da u navedenom postupku djelimične izmjene mi nismo mijenjali visinu, nego smo pomjerali taj objekat. Uglavnom od četiri stanara, dva su bila isključiva jedan je čak tražio i novčanu nagodbu, ušto mi nismo htjeli da se puštamo mislim da je to bez veze. Dva su bila za, jedan je bio za jedan je bio srednjeg mišljenja, konačno su rekli ako mora da se pravi nek se pravi, nema on tu ništa protiv. Ja ću vama samo još jednom da ponovim da vas podsjetim šta smo radili. Ovo je izvod iz postojećeg regulacionog člana. Radi se o pet lamela koje su povezane i koje ima ju spratnost prizemlje, tri sprata i mansardu ili potkrovlje. U postupku izmjene Reg. Plana ovaj niz od pet lamela je pomjeren za četiri metra prema ovoj zgradi preko puta hotela, na sreću ta zgrada nema prozore. Pomjerena je iz razloga što je u međuvremenu porodica Herceg ovdje napravila porodičnu zgradu, tako da je niz koji je planiran se ne bi mogao napraviti. Razlika u veličini lamele na zemljištu Biljinac Bekrije je upravo u tome ona je ostala u širini od 16 metara, ali je dobila u dužini 20. To jest ta 4 metra za koliko je pomjeren konkretno ovaj niz. U sklopu toga rađena je djelimična izmjena ovih objekata koji su vezani za Delibeghovan han i ulicu Srebreničkih žrtava , tu je ostala građevinska linija kakva je bila samo je ovaj objekat koji je u samom krugu on je sada u djelimičnoj izmjeni odvojen od posojećih objekata, jer je vrlo teško raditi objekte ovako u nizu gdje nisu definisani vlasnici, tako da uvijek imamo problema

da li će ko raditi ili neće raditi. Ono što je bitno jeste u tome da je ulaz u ovaj prostor za korištenje parking prostora iz ulice Mladih kod Sportske dvorane i do sada nije imao izlaz na ulicu Sulejmana Omerovića Cara. Kroz ovu djelimičnu izmjenu predviđeno je da se napravi jedan kružni tok saobraćaja koji može biti iz ulice S.O.Cara i iz Ulice mladih. Ovom djelimičnom izmjenom je spratnost objekata zadržana, izvršeno je pomjeranje samo prema zapadnom strani, odnosno prema zgradi preko puta hotela.

Konačno zaključak prisutnih je bio da se oni protive takvoj izmjeni, kao što sam rekao. U sazivu materijale dobili ste detaljne postupke kako je vođenoi, konkretan postupak djelimične izmjene rađen je u skladu sa odlukama i zaključcima Općinskog vijeća u skladu sa zakonskom procedurom. Znači nocilac izrade Regulacionog plana, dostavio je tekstualni dio sa urbanistički koncept uređena prostora i pod tri smjernice za provođenje djelimične izmjene Regulacionog plana. U grafičkom dijelu su dostavljene tematske karte, osam tematskih karata i kompletna procedura urađena je u skladu sa važećom procedurom i vi dobro znate da je to rađeno po zaključku Općinskog vijeća, rađena je redovna procedura gdje je uslov i bio javni uvid i javna rasprava, a ne skraćeni postupak. Danas na vama na Općinskom vijeću je da se izjasnite o svemu ovome i da u konačnosti donesete zaključak i odluku da li ovu odluku prihvatiti ili ne prihvatiti.

Mi smo prisutne upoznali da ukoliko se ne prihvati ovakva odluka o pomjeranju služba ima mogućnost da po postojećem Regulacionom planu izda urbanističku saglasnost podnosiocu zahtjeva u nešto manjim dimenzijama a spratnost postoji onakva kakva i jest. Spratnost se ne mijenja. Znači ukoliko danas ne usvojimo ovu odluku, Služba ima mogućnost da izda urbanističku saglasnost na planirani objekat.

Otvaram raspravu

Vijećnica Selma Avdić, iznosim svoj lični stav, pošto je ta zgrada u mom komšiluku i većina tih ljudi koji tamo žive su protiv izgradnje te zgrade, jer im zatvara i prozore i sve. Ja sam zamoljena ispred tih ljudi da vam to prenesem. Kako ćete vi glasati to je do vas. To je veoma mali prostor, nije to veliki prostor gdje bi se gradila ta zgrada i te zgrade su sve jedna do druge priljubljene. Sad izgradnjom te zgrade zaklanja se i svjetlost i sve kod tih ljudi. To je samo da vam iznesem pravo stanje na terenu i pravo mišljenje svih građana koji žive u onom dijelu.

Vijećnik Hajrudin Ferić, imam neku potrebu da se javnim. Bila je javna rasprava i nažalost nisam mogao doći. I te javne rasprave ne daju nikom pravo da oduzmu pravo vijećniku da diskutuje. I ovo je prilika da se nešto progovori. Ja sam generalno kad smo donosili odluku o pristupanju izmjenama Reg. Plana zamolio i tražio da se vodi računa i o Delibegovom hanu kao jednom kulturno historijskom spomeniku koji bi treba da se i kroz ove planove na neki način zaštiti, obilježi i dobije neki svoj poseban status itd. Nisam primjetio da se išta tu promijenilo.

Očekivao sam malo više kreativnosti od ovlaštene osobe za izradu ove izmjene, pa da ponudi možda da ne budu to lamele koje su sastavljene nego da se izvrši reparcelacija, odnosno da se napravi plan parcelacije koji bi na općinskom zemljištu čini mi se mogao puno više na tržištu da prođe u korist budžeta, nego ovakvo gdje slijede opet neke neposredne pogodbe i td. To je jedna od tih alternativa i koju nam je trebao ponuditi.

Treće ovaj parking prostor koji jest sad tu i koji nije asfaltiran koji koristimo godinama kao parking prostor preko puta Dom kulture ovim se briše. On nije bio ni u postojećem, ali mogao je da dobije status legalnosti kroz ovo.

Četvrto, puno mi nekako parking prostora ima u tom dijelu obuhvata ovih izmjena reg. Plana tako da se moglo napraviti i tu nešto pametnije.

Drago mi je da sam bio u pravu kad sam govorio da se može dati gospodinu Biljincu dozvola i bez ovih izmjena, a s druge strane ako danas ne usvojimo ja ne znam da li mi u principu puno više dobijamo ako usvojimo, ili bi mogli da ne usvojimo. Ja znam da je plaćena izrada nosiocu, tako da sam u dilemi da li glasati ili ne glasati za to. Kako od odlučimo ja ću biti za to. Ne bih želio da spriječimo ovog poduzetnika da u tom dijelu podigne ovaj objekat.

Pauza za usaglašavanje klubova.

Predsjedavajuća OV, zaključujem raspravu i dajem na glasanje

Z A K L J U Č A K

2.1. Donosi se Odluka o djelimičnoj izmjeni Regulacionog plana Centar Maglaj – sjeverni dio.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Fikret Delić, Mustafa Bešić, Kanita Bašić samostalni vijećnici.

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 uzdržan glas: Josip Jurišić (HDZ).

AD - 3. Prijedlog Odluke o javnim parkiralištima na području grada Maglaja;

Fuad Hajrulahović, i ovaj prijedlog Odluke je samo nastavak aktivnosti sa prethodnih sjednica općinskog vijeća. Vi znate da je Služba uradila prijedlog Nacrta za Odluku o javnim parkiralištima na gradskom području Maglaja. Općinsko vijeće je donijelo zaključak da se održi javna rasprava. Služba je organizovala javnu raspravu koja je održana 27.06.2018. godine. Solidan broj prisutnih u odnosu kako inače ne bude. Sugestije i primjedbe koje su iznesene taj dan i koje smo dobili u pisanoj formi, a najviše smo ih dobili iz KJD koje će inače i upravljati ovim javnim parkiralištima na gradskom području Maglaja. Ja ne bih ove članove čitao imali ste svi priliku da pročitate. Članovi su dosta slični kao i u nacrtu izuzev onih sugestija koje su bile prihvatljive da se ubace u ovu Odluku. U prvoj fazi samo ću napoment i u Anexu I to su javna parkirališta na kojima će se naplaćivati parkiranje na području grada Maglaja, znači radi se o šest lokacija, to su postoje lokacije parking prostora na kome su nekada organizacija RVI imale nadležnost, odnosno imale saglasnost da vrše naplatu i ono što je isto tako veoma bitno za ovu odluku a to je da je Maglaja općina koja u zadnjih 4-5 godina nema nikakvih prihoda po pitanju parking prostora i mislim da smo jedini u regiji. Ovom odlukom definisani su uslovi parkiranja. Pod brojem 1 lokacije koje će se koristiti, uslovi parkiranja, način naplate, način blokiranja, deblokiranja, nepoštivanja onih koji koriste ta parking mjesta, u stvari jedna odluku koju primjenjuju i sva ostala mjesta u okolini. Nadam se da ste ovu Odluku iščitali i ono što bude nejasno i pitanja koja budete imali mi ćemo se potruditi da odgovorimo, a što ne budemo znali dostavit ćemo vam u pisanom obliku. Također u Anexu II su parking površine namijenjene za parkiranje vozila, to je jedna druga faza realizacije ove Odluke. Što nismo odmah išli sa ovom Odlukom sa Anex II iz jednog prostog razloga što hoćemo da vidimo kako ćemo se ponašati po Anexu I, pa onda da nastavimo dalje.

Vi znate da većina gradova u FBiH, već uveliko provela parkiranje vozila sa mogućnošću rezervisanja za mjesec dana, za pola godine, za godinu, ali to je sve na upravitelju. Ono što je vrlo bitno za ovu odluku reći, a to su još određene aktivnosti koje KJD po usvajanju ove odluke, a to su cijene za usluge će morati dostaviti vama na saglasnost. Znači OV Maglaj će dati saglasnosti, odnosno definisati cijene usluga na javnim parkiralištima na gradskom području Maglaja.

Otvaram raspravu

Vijećnik Hajrudin Fermić, želim da izrazim zadovoljstvo što se ova Odluka u formi prijedloga nalazi danas na sjednici Općinskog vijeća. Želim također da iskazem svoje zadovoljstvo i na neki način što je tu blizu rješavanje jednog krupnog problema kojim se Maglaj, uže gradsko područje susreće dugo godina. Također mi je drago da sam bio prisutan na javnoj raspravi koja je organizovana koju je pomenuo gospodin Hajrulahović, na kojoj je bio prilično dobar odziv, a ono što je još najbitnije, što je kvalitet javne rasprave, prijedloga sugestija zaista bio na jednoj visini. Naravno iz te priče, a i naknadno sa svim ovim ljudima koji nisu mogli iz objektivnih razloga da prisustvuju toj javnoj raspravi se zapravo moglo vidjeti koliko je narastao problem, koliko neko možda nije ni bio svjestan koliko to pritišće ovu zajednicu, pogotovo u dijelovima oko stambeno – poslovnih objekata, tako da je i pravo vrijeme da uđem u cijelu ovu priču.

Drago mi je također da u prijedlogu odluke imamo dosta uvrštenih sugestija i prijedloga koji su se pojavili sa javne rasprave koji su kvalitetni i uspjeli su obrađivači da to na neki način to poslože, tako da će meni ostati samo neke male finese da predložim kako bi još kvalitetnija i preciznija bila ova Odluka, ne ulazeći uopšte u suštinu. Ono što je važno, prije nego što uđem u amandmane, želim da predložim da mi danas govorimo samo o Odluci. Sve ovo što je mimo odluke, pravilnici itd. o tome nećemo raspravljati, nego ćemo zadužiti KJD da nam za slijedeću sjednicu Općinskog vijeća sve to pripremi da damo na saglasnost. Mislim da je to na jedan indirektan način gospodin Hajrulahović rekao nismo imali prilike da ove Pravilnike razmatramo ni u formi radnog prijedloga ni u formi bilo šta drugog, ipak su same cijene imaju svoju težinu da bismo tek olako o tome govorili. Sam izbor prostora je također podložan za jednu konsultaciju da li su to ti, ili ima još tih prostora, tako da trebamo ostaviti vremena da nam to predloži KJD Maglaj u suradnji sa Službom za urbanizam, oni su svakako najkompetentniji u cijeloj ovoj priči.

Dakle, ja govorim sad o odluci i vrlo kratko ću amandmanski da neke stvari predložim.

- Da se iz člana 7. stav 2. briše;
- Član 32. dodati stav 3. koji glasi „za prekršaje propisane ZOPS i ZRM nadležna je Policijska stanica Maglaj“;
- Član 34. dodati „u skladu sa Zakonima koji regulišu ovu oblast“;
- Član 35. Mijenja se i glasi nakon stupanja na snagu ove Odluke na prijedlog KJD daje prethodnu saglasnost na cjenovnik usluga javnih parkirališta na gradskom području Maglaj, Pravilnik o blokiranju i deblokiranju uređenja, Pravilnik o blokiranju kotača uređajem za blokiranje kotača, Pravilnik o načinu i uslovima parkirališta povlaštenih parkirališnih karata na javnim parkiralištima na području grada Maglaja, kao i obavještenja, upozorenja i zapisnika o blokadi i deblokadi kotača vozila, kao i Anex II. Sve ovo što sam ja i rekao u svom prijedlogu, OV će nakon stupanja na snagu ove Odluke, čim se objavi u Službenim novinama, utvrditi, dati prethodnu saglasnost na cjenovnik i sve ono što je pobrojano dati saglasnost na to i Anex II. To je ovo o čemu nismo imali prilike da govorimo da nam treba malo vremena svima.
- Da se briše iz Anex 1. tabela 4;

- Da se parking prostor koji se nalazi u ulici Mladih i Aleja Ilijana reguliše kroz Anex 2.
- Da KJD Maglaj pripremi za narednu sjednicu Pravilnike i cjenovnik koji će se usvojiti na Općinskom vijeću;

Odluka je prilično kvalitetna i nadam se da ćemo je danas usvojiti i dobar je početak da to riješimo i regulišemo na području općine Maglaj.

Vijećnik Edib Delić, stav grupe privatnih poduzetnika koja me je zamolila da njihov stav iznesem na sjednici Vijeća. Ovdje je jedan pisani materijal malo širi i nemam ga namjeru čitati, bio je na javnoj raspravi i dostavljen je u pisanoj formi, a tiče se privatnih poduzetnika koji gravitiraju parking prostoru na Tržnom centru sa zapadne strane. Naime, njihov problem je slijedeći, taj prostor je predviđen za parkiranje uz naplatu, oni mole da se oslobode plaćanja tog parking prostora iz više razloga. Tamo postoji onaj predparking uz ulicu naspram kafića, i oni se slažu da se taj prostor naplaćuje, a da prostor bliže njima ostane u zoni van naplate. Oni komentarišu da imaju određeni broj zaposlenih lica, da bi se ugrozilo poslovanje tih firmi, da jednostavno imaju potrebe da vozila za snabdijevanje i dostavu robe moraju ući u taj prostor, moraju provesti više vremena od onih 15 minuta, da nisu ravnopravni u odnosu na ostale firme koje imaju svoje objekte i koje imaju slobodne parking prostore kao što su na Tržnom centru sa sjeverne i sa južne strane i niz još ovih svojih možda i opravdanih razloga. Ja predlažem da taj dio parkinga se proba izaći u susret tim privatnim poduzetnicima i da ostane u slobodnoj zoni za nenaplaćivanje.

Vijećnica Svjetlana Zamboni, obzirom da je vezano za ovu diskusiju koju je gospodin Delić imao a i za diskusiju koju je gospodin Ferić imao prije njega, podržavam ovo što je gospodin Ferić iznio dakle blisko je ovakvim stavovima koje je imao i SDP. Ukoliko podržimo ovakav prijedlog da Pravilnike ne usvajamo danas, da samo usvojimo Odluku i to bio predmet Pravilnika kojim bi se regulisalo kako i šta raditi sa vlasnicima poslovnih prostora, pa toplo i sugerišem da te Pravilnike danas ne usvajamo i da se držimo samo Odluke i Anex I, a sve ostalo da ostavimo za narednu sjednicu Općinskog vijeća jer mislim da je svima nama i građanima potrebno da se i onaj cjenovnik malo protrese i da se vidi šta sa vlasnicima poslovnih prostora i sa jedne i sa druge strane Tržnog centra jer se njih ponajviše tiče ova Odluka, a to bi onda donosili na narednoj sjednici Općinskog vijeća.

Vijećnik Fikret Delić, ovo je moj prijedlog ili inicijativa. Na održanoj sjednici koja je održana tačno prije 6 mjeseci, ja sam ovdje tražio da se za besplatan parking prostor uvrste i borci 92-95. Maglaj koji su zaista zaslužni i ne bi mi danas ovdje sjedili da nije bilo njih tada. Isto tako sam tražio, uputio sam i pisanu inicijativu Službi i nikakav odgovor nisam dobio.

Ja koristim ponovo priliku i tražim da se to uvrsti u ovu Odluku o besplatnom parking prostoru za sve borce općine Maglaj.

Vijećnik Nedžad Lokmić, i ja bih izrazio zadovoljstvo i u ime Kluba SDP-a i naravno i u svoje lično ime da se konačno i u Maglaju radi po ovom pitanju. Kad odemo u Sarajevo više nas košta parking, nego ćevapi koje pojedemo gore. Ljudi dolaze sa strane i pitaju gdje mogu parkirati, ljudi će se brzo naviknuti na to. Svesrdno podržavam ovu Odluku i slažem se da oko Pravilnika i detalja o tome kasnije raspravljamo.

Više sam je javio da dopunim kolegu Delića i meni se obratila ta grupa zapadnog dijela Tržnog centra, samo da dopunim oni su i prije 5-6 godina kada su RVI naplaćivali parking bili oslobođeni od plaćanja parkinga i spravom imaju kad kažu da često dolazi roba, kamioni i mušterije i bili su i tada oslobođeni tog plaćanja. Dovoljno je uz taj znak parkinga staviti i neku tab licu ko je oslobođen i svakako će to dobro doći i neće ugrožavati njihovo poslovanje. Radi se ipak o 30-tak uposlenih ljudi koji su tamo uključeni. Prije donošenja konačnih Pravilnika treba i to uzeti u obzir.

Vijećnik Safet Jašić, sve diskusije su na mjestu i iz tog razloga kod usaglašavanja dnevnog reda mi smo bili protiv ove tačke da se skinu. Ovo praktično znači koliko je proizašlo prijedloga, bili smo za to da se skinu, uvažavamo sv prijedloge, ali doći sa prijedlogom Odluke, a toliko primjedbi i zahtjeva dobrih koji je bilo ne stoji ovdje.

Vijećnik Mirza Bradarić, mislim da ima ovdje nekoliko dilema. Pričamo čitavo vrijeme o dva termina, jedan termin je Odluka, a drugi termin je Anex II, Pravilnik itd. Ja ću radi javnosti zamoliti nekoga da nam kaže šta mi dobijamo danas donošenjem ili usvajanjem Odluke. Da li je to samo dozvola upravitelju, KJD da krene u proceduru raspisivanja tendera i ostalih stvari koje su potrebne za to? Da li to znači donošenje i usvajanje ove današnje Odluke, Ako je to to, dajte da to završimo a o svim onim Pravilnicima, prijedlozima koje ste svi vi iznijeli i kojih će biti puno više do donošenja i usvajanja tog pravilnika imat ćemo priliku da svi iznesemo ono što mislimo da bi trebalo, da damo svoje prijedloge itd.

Fuad Hajrulahović, ovaj prijedlog današnje Odluke o javnim parkiralištima je samo prvi korak i saglasnost KJD da uđe u proceduru nabavke opreme i uređenja parking prostora, tamo gdje ih treba još urediti ili doraditi. Sve ostalo bit će definisano posebnim Pravilnikom u sklopu kojeg će biti i cjenovnik za sve ove kategorije koje ste vi nabrojali. Tamo će biti definisano i ko je oslobođen i ko nije, ko je 50%, ko je 30%, bit će definisan i način korištenja istovar i utovar roba i slično kao što je i u drugim gradovima definisano. Ovo je prvi korak za formiranje i korištenje, naplaćivanje usluga parkiranja u Maglaju.

Predsjedavajuća OV, zaključujem raspravu i dajem na glasanje

Z A K L J U Č A K

3.1. Donosi se Odluka o javnim parkiralištima na području grada Maglaja, uz predložene izmjene i sugestije.

- brisati stav 2. člana 7. ;
- u članu 32. dodati stav 3. Koji glasi: „, za prekršaje propisane ZOBS i ZRM, nadležna je Policijska stanica Maglaj“;
- u članu 34. Iza riječi „Odlukom“, dodati tekst „, u skladu sa zakonima koji regulišu ovu oblast“;
- u članu 35. Dodati i Anex II.
- U članu 36. Dodati stav 2. „Općinsko vijeće Maglaj nakon stupanja ove Odluke na snagu daje saglasnost na Pravilnik, kao i Anex II ove Odluke.
- Brisati stav 4. u tabelarnom prikazu Anexa I. i isti dodati u Anex II.;

3.2. Da KJD d.o.o. Maglaj za narednu sjednicu Općinskog vijeća pripremi Pravilnik o načinu izdavanja i uslovima korištenja povlašćenih parkirališnih karata na javnim parkiralištima na gradskom području Maglaja, Pravilnik o blokiranju, deblokiranju uređaja za blokiranje kotača, prijedlog cijena usluga javnih parkirališta, na gradskom području Maglaja, formu obrasca obavještenja o blokiranju vozila , formu obrasca upozorenja za vlasnika ili korisnika vozila o blokadi lijevog kotača vozila, formu obrasca zapisnika o blokadi i deblokadi kotača vozila i Anex II Odluke.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF), Mustafa Bešić, Kanita Bašić samostalni vijećnici, Josip Jurišić (HDZ).

Glasalo 12 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, Fikret Delić, samostalni vijećnici.

AD - 4. Prijedlog Odluke o javnom redu i miru;

Otvaram raspravu

Vijećnik Firuz Galijašević, prvo ću moliti da se ispravi jedna tehnička greška u članu 7. stav 12. koji između ostalog kaže gatanja i poricanja sudbine. Ovdje treba da stoji proricanja sudbine.

Moj prijedlog za dodatak ove Odluke, jeste opet u članu 7. stav 12. Koji bi trebao da glasi „uznemiravanje stanara upotrebom telefona, zvonceta ili interfona, ili kucanjem na vrata stana bez potrebe kao i prodaje robe gatanja ili proricanja sudbine, prosjačenje i podsticanje prosjačenju ili pružanja usluga koje nisu ugovorene ili naručene“, Znači u član 7. stav 12. treba dodati; prosjačenje i podsticanje prosjačenju.

Predsjedavajuća OV, zaključujem raspravu i dajem na glasanje

Z A K L J U Č A K

4.1. Donosi se Odluka o javnom redu i miru, uz predložene izmjene u članu 7. stav 12, koji glasi:

12. Uznemiravanje stanara upotrebom telefona, zvonceta ili interfona ili kucanjem na vrata stana bez potrebe, kao i prodaje robe, gatanja ili poricanja sudbine, prosjačenje ili podsticanje prosjačenja ili pružanja usluga koje nisu ugovorene ili naručene.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 5. Prijedlog Odluke o određivanju prostora i objekata za javno okupljanje građana na području općine Maglaj;

Predsjedavajuća OV, ova Odluka se već nekoliko puta nalazila na Općinskom vijeću.

Otvaram raspravu, nije bilo rasprave, predlažem

Predsjedavajuća OV, zaključujem raspravu i dajem na glasanje

Z A K L J U Č A K

5.1. Donosi se Odluka o određivanju prostora i objekata za javno okupljanje građana na području općine Maglaj.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 12 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik, Hajrudin Ferić (DF) .

AD - 6. Prijedlog Odluke o sigurnosti saobraćaja na cestama općine Maglaj;

Predsjedavajuća OV, gospodin Mešić se javio i ispričao se, on je na godišnjem odmoru kao predsjednik Komisije. Odluka je detaljna.

Otvaram raspravu

Vijećnik Mirza Bradarić, Klub SDP-a će prihvatiti ovaj prijedlog Odluke. Ne bih puno polemisaio vjerovat ćemo struci i ljudima koji su ovo radili. Radili su stručnjaci u ovoj oblasti i Klub SDP-a prihvata ovu Odluku.

Vijećnik Hajrudin Ferić, ja imam nekoliko sitnih prijedloga, sugestija za poboljšanje predloženog teksta ove Odluke o bezbjednosti saobraćaja.

Tamo gdje piše da Općinski načelnik može da utvrđuje uslove za davanje dozvole za prekomjerno korištenje puteva, samo da se to uskladi sa zakonom i podzakonskim aktima, tako da predlažem da tekst stoji: „Općinski načelnik donosi Pravilnik o prekomjernom opterećenju cesta na području općine Maglaj u kojem se reguliše način podnošenja zahtjeva, pravnih i fizičkih lica za prekomjerno opterećenje cesta, visina naknade, način uplate naknade i mehanizmi nadzora“. Mislim da je to član 16. A da se briše stav 2.

U postojećoj odluci o bezbjednosti saobraćaja stoji Pravilnikom o federalnim cestama. Federalni ministar je donio jedan okvirni pravilnik koji važi za federalne ceste u nadležnosti Federacije, kantona i lokalni. Dakle, Načelnik donosi Pravilnik o lokalnim cestama na osnovu određenih smjernica i uputstava.

Član 46. Stav 1. Ovo mi je zaista malo nezgrapno napisano potrebno je postaviti video nadzor. Mi se u političkom smislu slažemo svi da je potrebno da se postavi video nadzor na ovim lokacijama svugdje, ali u Odluci koja je pravnog karaktera koja je obligaciona, koja je normativa ne može da bude, nego mora, ili će biti. Ne može biti pogodbenih relacija, tako da po meni ili da se ovo briše, dobar je to prijedlog, ili da se stavi potrebno je postaviti video nadzor u roku od 3 godine od dana stupanja na snagu ove Odluke, ili potpuno brisati. Tamo piše potrebno je da se stavi. Šta znači potrebno je? Može a ne mora. Ako ćemo to, onda pokreće se video nadzorom izlaz iz Maglaja tu, tu, tu i dajemo rok od 5 ili 10 godina da se to i uradi, ili da brišemo. Mislim da nisu konsultovani ljudi iz Službe, da im daš a da nema roka do kad to uraditi, a na ovaj način daješ 3 godine roka da to urade.

Član 47. također mi je malo nezgrapno sročeno u kojem se nameće obaveza Općini Maglaj da izgradi poligon za auto škole. Mislim da nema nikakve zakonske obaveze Općina da to uradi, ali Općina ima obavezu da odredi lokaciju gdje će biti taj poligon za obuku. Poligoni za obuku mogu biti u privatnom, javnom svakom mješovitom vlasništvu, a ovdje striktno stoji da Općina mora, a ne mora. Dakle, Općina će odrediti lokaciju a ko hoće da radi, gradi, naravno ima procedura kako će to da dobije i pod kojim uslovima.

Vijećnik Mustafa Bešić, što se tiče ove Odluke, naš Klub će je podržati ovakvu kakva je dostavljena u materijalu. Nikakve izmjene, dopune, ako nešto nije u redu neka je vrata na doradu komplet. MI nikakve druge prijedloge nećemo ovdje podržati.

Pauza za Klub SDP-a

Predsjedavajuća OV, zaključujem raspravu i dajem na glasanje prvi prijedlog iznesen od strane Hajrudina Ferića

Glasalo 11 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Hajrudin Ferić (DF), Kanita Bašić samostalni vijećnici,

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić.

Glasalo 3 uzdržana; Fikret Delić, Mustafa Bešić, samostalni vijećnici, Josip Jurišić (HDZ).

Dajem na glasanje drugi prijedlog Odluku koja je došla u sazivu

Glasalo 2 glasa za: Fikret Delić, Mustafa Bešić, samostalni vijećnici.

Glasalo 20 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, Nedžad Lokmić, Mirza Bradarić, Armin Hrnjić, Anida Šahman, Irena Herceg, (SDP), Muhamed Hrnjić, (SBB), Elvir Vehabović (SBIH), Hajrudin Ferić (DF), Kanita Bašić samostalni vijećnici.

Glasalo 3 glasa uzdržano: Svjetlana Zamboni, Firuz Galijašević (SDP) i Josip Jurišić (HDZ).

Predsjedavajuća OV, konstatujem da predložena Odluka nije dobila potrebnu većinu.

Z A K L J U Č A K

6.1. Vraća se na doradu Odluka o sigurnosti saobraćaja na cestama općine Maglaj.

6.2. Zadužuje se Služba da uzme u obzir sve sugestije i prijedloge, da ugradi u postojeću Odluku koja će biti razmatrana na narednoj sjednici općinskog vijeća.

AD - 7. Prijedlog Rješenja o utvrđivanju prava svojine u korist Ibraković Safete (otkup zemljišta ispod garaže);

Fuad Hajrulahović, u sazivu materijala u prijedlogu Rješenja o utvrđivanju prava svojine u korist Ibraković Safete iz Maglaja kao pravnog sljednika graditelja garaže. Radi se o garažama koje je nekada „Natron“ pravio u neposrednoj blizini T-objekata, tamo su skoro svi otkupili zemljište ispod garaža ostala je ova garaža u međuvremenu vlasnik je umro. Nasljednik te garaže, pravni sljednik je njegovu supruga. Kompletna procedura je provedena i u sklopu ovog prijedlog Rješenja imate i zapisnik o utvrđivanju prometne i građevinske vrijednosti nepokretnosti i prava. Vaša vijećnička Komisija je dala prijedlog da to bude 70,00 KM/m², što bi za 18 m² iznosilo 1.260,00 KM , plus ostali troškovi oni koji idu u postupku za uređenje, odnosno za samu legalizaciju i otkup tog zemljišta. .

Otvaram raspravu, nije bilo rasprave zaključujem raspravu i predlažem

Z A K L J U Č A K

7.1. Donosi se Rješenje o utvrđivanju prava svojine u korist Ibraković Safete iz Maglaja.

7.2. Općinsko vijeće utvrđuje cijenu od 70,00 KM/m².

Glasalo 24 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Irena Herceg, Firuz Galijašević, Anida Šahman(SDP), Muhamed Hrnjić,(SBB), Mustafa Bešić, samostalni vijećnici, Josip Jurišić (HDZ) Adis Abdurahmanović, Nedžad Alispahić, Avdić Selma, Mirsad Bejzić, Safet Jašić, Edina Jašić, Šefka Hasanić, Smajlović Dženita, Ermina Muminović (SDA) i Mustafa Buljubašić samostalni vijećnik, Elvir Vehabović, Mustafa Bešić, Fikret Delić

Glasalo 1 glas uzdržan: Hajrudin Fermić (DF).

AD - 8. Prijedlog Odluke o dodjeli studentskih stipendija redovnim studentima sa područja općine Maglaj za akademsku 2017/2018. godinu;

Predsjedavajuća OV, predlažem da diskutujemo po obje tačke dnevnog reda 8 i 9. Imamo i predsjednika komisije za obrazovanje gospodina Vehabovića, pa možda da nam on da uvodno izlaganje.

Vijećnik Elvir Vehabović, Komisija za obrazovanje je imala sjednicu po pitanju ove tačke dnevnog reda. Nije imala nikakvih primjedbi na dostavljeni materijal, nikakvih prijedloga, usvojili su kako je dostavljen materijal i jednu i drugu tačku.

Vijećnica Anida Šahman, vezano za tačku 9. Klub vijećnika SDP-a će Odluku o dodjeli studentskih stipendija redovnim studentima sa područja općine Maglaj za akademsku 2017/2018. godinu podržati. Također predlažemo da čim ova odluka postane pravosnažna da se krene čim prije sa isplatom.

Vezano za opće kriterije tačka 3. stav 2. kao Klub vijećnika SDP-a predlažemo da se psiholog obriše, a kao deficitarna zanimanja dopisu: doktor medicine, inženjer građevine, arhitekta i IT stručnjaci. Također smo i mišljenja da bi svake godine trebalo donositi novu Odluku i voditi računa o deficitarnim zanimanja tj. pratiti tržište rada i kvalifikacionu strukturu nezaposlenih osoba na području općine.

Vijećnica Šefka Hasanić, Klub vijećnika SDA podržava donošenje ovakve Odluke, kao i kriterije za dodjelu općinskih stipendija. Ne znam koliko ćemo biti u mogućnosti, znam da smo vezani i za boračke stipendije i stipendije Ministarstva obrazovanja, ali da ovaj rok pomjerimo bar na mart za budući period.

Vijećnica Svjetlana Zamboni, vezano za rokove mi smo znaju to i članovi Kolegija imali već i ranije i vjerujem da vas je predsjednik o tome izvjesito, ali smo je skinuli s dnevnog reda uslijed nekih drugih okolnosti koje su nam naložile takvo postupanje. Podržavam sve ove diskusije.

O tome šta je deficitarno zanimanje o tome je jako teško diskutovati. Mi kad se izdvojimo kao grupa ljudi ja ću smatrati da je jedno zanimanje deficitarno u odnosu na bilo kojeg drugog vijećnika. Mislim da nemamo svi kompletan uvid u ono šta bi općini Maglaj bilo deficitarno zanimanje. S tim u vezi kada su deficitarna zanimanja u pitanju predlažem da ipak Općinski načelnik procijeni, šta je to, a on je u kontaktu i sa privrednim subjektima i sa

javnim ustanovama, dakle on je upoznat sa svim potrebama na području općine Maglaj pa i potrebama investitora koji se javljaju na ovom području da na neki način, ovo što se tiče deficitarnih zanimanja prenesemo ovlast na Općinskog načelnika a možda da kažemo koji je to broj kojim bi ga ograničili a da nas naravno o svojoj odluci izvjesti čim je donese i da znamo koja su to zanimanja koja bi proglasili deficitarnim. Ja sam i doktora pitala obzirom da je tamo pisalo psiholog. Ja lično ne smatram da je psiholog deficitarno zanimanje obzirom da diplomiranih psihologa, pedagoga imamo zaista puno na birou, onda mi je on pojasnio da se radi o kliničkom psihologu, dakle, zato i kažem možda mi nemamo kompletan uvid u situaciju na području općine Maglaj, rekla bih da je Općinski načelnik i najbolja osoba koja to može i procijeniti a vezano za potrebe općine Maglaj.

Vijećnik Josip Jurišić, ja sam htio ukazati na 2017/2018. godina praktički je već gotova, da se ubuduće to pokuša napraviti malo racionalnije. Drugo po pitanju stipendija ko ispunjava uvjete bilo bi dobro da ovdje stoji svi redovni studenti koji studiraju na visokoškolskim ustanovama u Bosni i Hercegovini dodati još i inozemstvu. Zna da ima studenata koji studiraju u Zagrebu, Osijeku, Zadru, Splitu, apriori Beogradu, Novom Sadu. Da budu uključeni svi studenti bez obzira gdje studiraju Beču, Pragu imamo ih i tamo. Dakle, da se ne isključuju oni da budu uključeni svi. Još jedna stvar pod brojem 7. Isplata stipendija će biti u skladu s dinamikom punjenja Budžeta. Mislim da ako se tamo odredi cifra kolika je za studente da to ide u mjesečnim ratama da to jedan puta bude kako treba kao u svim drugim općinama.

Vijećnica Svjetlana Zamboni, još jedna dopuna za prošlu godinu smo 02.03. usvojili Odluku o stipendijama, a tek smo u 9-om mjesecu pošli sa isplata jer mi moramo čekati Kanton da donese svoje odluke da završi boračko ministarstvo pa da možemo mi isplaćivati svoje stipendije. Tako da koliko god rano mi donijeli svoju odluku, opet moramo čekati da oni završe na višim nivoima da bismo znali kako raspodijeliti naša sredstva.

Vijećnik Elvir Vehabović, - replika kolegica Anida je iznijela da deficitarno zanimanje treba da bude doktor medicine. Možda trenutno to fali jedan ljekar, ali čovjke radi otkazni rok u Mostaru dok završi doće. Naše Šide sin završava u septembru i doće. Trebaju da se pitaju ustanove kome šta fali, jer nama je deficitarno ovog mjeseca, a za dva mjeseca neće biti deficitarno. Neko treba da procjenjuje uz sakupljanje podataka sa terena.

Vijećnik Mirza Bradarić, kad ste već kod Zagreba, Beograda, Novog Sada treba tu uzeti u obzir i Instambul i Beč i Graz itd. Sve slažem se samo bih ja dopunio malo, nadam se da se kolegica Anida neće ljutiti. Ona je spomenula već deficitarna zanimanja. Međutim, ova Odluka je naša interna odluka i mi nju možemo sigurno mijenjati iz godine u godinu. Naravno ovo sve što bude ove godine deficitarno, vjerovatno je velika pretpostavka da već slijedeće godine kad budemo donosili odluku o stipendijama itd. možda neće biti deficitarno. Međutim, ovo što je kolegica Anida spomenula profesore matematike i fizike. Ja ih samo tu dao još jedan uslov, da to bude svi znate da je bolonjski proces u tijeku i da nema više onog starog sistema studiranja da uslov bude 240 ECTS bodova. Obzirom da znam da sam prošao dosta tih konkursa vi u prosvjeti ne dobijate nikakve bodove ako ste magistrat itd. Znaju se šta su uslovi pri konkurisanju, ali ono što znam je to da mnogi koji završe matematiku i fiziku sa 180 ECTS bodova ne mogu raditi u određenim obrazovnim ustanovama i njih ima. Imamo takvih primjera i u Maglaju. Ja bih samo dopunio da minimalno 240 ECTS bude bodova uslov za deficitarna zanimanja.

Vijećnik Firuz Galijašević, jeste replika gospodinu Bradariću a moram se malo staviti i u poziciju uposlenika Službe za zapošljavanje ZDK, gdje ne želim da diskriminiram ni jednu osobu koja možda nema dovoljno novaca da upiše 4-godišnji studij, pa mora trogodišnji. Moramo pomoći svim osobama da završe bar za početak 180 bodova. Poslije će oni sami o svom trošku završiti 240 bodova. Nemojte da ih uskratimo i za to malo što dajemo.

Vijećnica Svjetlana Zamboni, mislim da se radi o nerazumijevanju. Niko nije predložio da se studenti sa 180 brišu, nego govorimo o deficitarnim zanimanjima. Nije dobro shvaćeno izlaganje gospodina Bradarića, on je rekao kad govorimo o deficitarnim, odnosno sugerise.

Vijećnica Šefka Hasanić, kad govorimo o ovoj temi na 180 bodova. Ovdje govorimo samo o sektoru obrazovanja, a zaboravili smo realni sektor gdje ljudi sa 180 bodova mogu da rade i budu konkurentni. Da ne budemo isključivi. Ne bi se složila sa jednim dijelom diskusije koji se odnosi na deficitarna zanimanja da određujemo svake godine. Ciklus školovanja ne traje jednu godinu, traje tri godine, znači ako jedne godine donesemo da je deficitarno zanimanje ing. Elektrotehnike, neka ostane ovaj ciklus koliko traje školovanje. Znači minimalno tri godine.

Vijećnik Mustafa Buljubašić, sjećate se tematske sjednice u školstvu. Ovo je to pitanje. Moje diskusije ovdje kja ni jednom riječju nije objavljena, a druge su objavljene. Koliko ima bodova na ovaj način koji treba da prodaje krojaču, praksu, kako će on skupiti bodove nije inženjer, nije ni magistar, nije ni doktor. Ima i magistrala i doktora nego čitava Jugoslavija pa na dnu svjetske ljestvice. Dajte da se pobrinemo o proizvodnji o realnom sektoru, kako privredi, tako i poljoprivredi onom od čega se živi. Predlažem da se pare daju onim stipendistima koji su pravi deficitarni kadar koji je potreban ovoj zajednici. Sve ostalo da se daje privredi i na zanimanja da ljudi koji žele da rade i proizvode nove vrijednosti dobiju nešto. Ja sam bio u vremenu kad se to davalo. Imalo je odijeka i ljudi su letili na zanate. Svaki zanatlija od automehaničara, bravara, električara, tesara naće sebi posla otvorit će radionu ili će otići kod koga raditi. Šta će ovi koji završe bit će nam na Birou i ne zaboravite vi mlađi da ćete za par godina imati više na Birou visokoobrazovanih kadrova, nego neobrazovanih. Da mi o tome vodimo računa da zaboravimo ove stvari o kojima pričamo samo smo mi i niko više. Ja sam imao pet inženjera kroz svoje preduzeće, svako pitanje koje je trebalo da se uradi kad je u pitanju proizvodnja i noviteti direktor je kazo eno vam Mustafa pitajte

njega. Nemojte podcjenjivati one koji stvaraju nove vrijednosti i one koji treba da rade. Sve ovo je puno lakše. Ne zaboravite jedan nastavnik ili bilo ko treba 40 godina da radi da dođe neko na njegovo mjesto, a majstora će svako primiti. Mi danas moremo prodati Sloveniji, Hrvatskoj, Evropi iz svih ovih radnih zanimanja koliko god hoćete, a ovi koji kažemo „pametnih“ malo možemo ili nimalo.

Vijećnik Mirza Bradarić, replika gospodinu Buljubašiću. Naravno jednim dijelom se slažem sa vama, ali da nije bilo prosvjetnih radnika i učitelja, nastavka ne bi možda ni mi mnogi danas sjedili na ovim pozicijama itd.

Ja zaista iz ovog vašeg izlaganja nisam ništa razumio. Da li ste vi imali konkretan prijedlog, vaše neke stvari ja ne mogu da razumijem, a možda se i ne trudim da razumijem, a nisam čuo ovdje ni jedan konkretan prijedlog. Kad govorite o ovome što sam ja iznio ako ste slušali pozorno ja sam govorio samo za sektor obrazovanja. Zašto vam kažem, mi ovdje svi govorimo kako trebamo zapošljavati svoje. Gospodine Buljubašiću u obrazovanju je najmanje Maglajlija u maglajskim školama a najviše ljudi sa strane, nemam ništa protiv toga. Svako traži posao tamo gdje može da nađe. Ali najmanje Maglajlija, ljudi dolaze sa strane. Naši su neki završili trogodišnji studij i ne mogu da rade u obrazovanju zato što su došli neki sa strane koji imaju više bodova završili su četiri godine i dođu ovdje u Maglaj da rade. Ja kad sam govorio govorio sam samo o ovom prijedlogu profesora matematike i fizike. Slažem se ja da treba i elektor i mašinaca i ovih i onih u to neću da ulazim jer nije moj fah. Ja govorim samo za ovo. Kada izadete i kada govorite nešto onda dajte bilo kakav prijedlog.

Vijećnik Hajrudin Ferić, sve ovo što je već rečeno u raspravi želim da predložim jedan konkretan zaključak odnosno prijedlog izmjena opštih kriterija. Ja nisam neki veliki pobornik da se za bilo šta daje ovlaštenje Načelniku da određuje i nastojim gdje god može da se to malo ograniči, ali u ovom slučaju smatram opravdanim da se Načelniku da ovlaštenje za utvrđivanje deficitarnih zanimanja. Odluku ne treba mijenjati po meni, ali Kriterije treba u članu 3. Iza tačke 2. Dodati stav ovlašćuje se Općinski načelnik da uz prethodnu konsultaciju sa privrednim subjektima općine Maglaj i nadležnim institucijama zaduženim za zapošljavanje utvrdi deficitarna zanimanja na području općine Maglaj. To bilo praktično sve, a ostalo da ide kako jeste, a Odluku ne treba dirati. Odluka je prilično uopštena tako da ona ne zadire u ove kriterije. Sve je jasno, svi studenti koji su ostali koji zadovoljavaju opšte uslove dobit će neku sumu koja se bude odredila, a ova deficitarna zanimanja gdje će dobiti 1.000 KM da se to utvrdi uz prethodne konsultacije.

Vijećnik Mustafa Buljubašić, replika – ja od svojih stavova neću odustati. Ne treba više da radim jer sam u penziji i imam godina dovoljno. Nemam nikog da zaposlim ni od djece ni od unučadi, ali govorim radi budućnosti ove države. Mi stariji da li je nekad bilo bolje u odnosu na sad ili nije. Naravno da oni koji sjede na foteljama je puno bolje nego onim što je prije bilo, jer su oni prije zajedno radili sa radnicima i ovim ostalim i gradili državu. Nekad je bravar bio predsjednik države, sad po vašem ne bi mogo biti ni čuvar u javnom sektoru.

Ja ovo hoću da kažem nemam namjeru nikakvu da bilo koga vrijeđam pogotovo nas ovdje. Gospodo otkad politiku podoše voditi prosvjetni kadrovi, glumci, doktori itd. vidimo gdje se nalazimo. Dok su je vodili oni koji znaju i napraviti i stvoriti i uraditi vidjeli smo gdje smo bili. To nam je najveća greška. Danas Bosna ima više ekonomista i pravnika nego čitava Jugoslavija a vidite gdje se nalazi. Izvinjavam se nemam namjeru nikog da vrijeđam. U zadnje vrijeme je u „Natronu“ otišlo 20 radnika u penziju svi rade po ugovoru o djelu, nema ih ko zamijeniti. Svaki remont u „Natronu“ zovu se moje kolege koje imaju 70 i više godina da pomognu u remontu. Zovu se oni koji leže u kući bolesni daj nam savjet imamo problem kako ćemo odraditi. Zato kažem nemam namjeru da vrijeđam nikoga, ali ja govorim globalno da je tako. Hajmo mi u Maglju početi nešto raditi kako treba ili nešto što ne rade drugi da budemo za primjer, a ne da podržavamo ono što ne valja.

Vijećnica Svjetlana Zamboni, ja samo da podsjetim sve nas da govorimo o stipendijama studentima, ovo što sam shvatila iz izlaganja gospodina Buljubašića više se odnosilo na stipendiranje nekih zanimanja SSS i smatram opravdanim i takve stavove, ali nisu dio ovakve odluke i nisu dio ove Odluke. Da ima prostora da se o tome razmišlja i svakako mislim da se svi trebamo usmjeriti ka Budžetu za narednu godinu, kako bismo na određeni način zadržali i da razmišljamo o tome da u nekom narednom periodu ovo OV donese odluke i o tome kako stipendirati i učenike SSS i koja zanimanja zapravo stipendirati kako bismo zadržali djecu u školama općine Maglaj.

Vijećnica Selma Avdić, uz dužno poštovanje, mi ovdje trebamo biti svjesni kako se dešavaju migracije u ovoj našoj zemlji i gradu. Mi trebamo zadržati svakog mladog insana koji se nalazi u ovoj našoj općini. Mi trebamo dati stipendije svima kao što već dajemo, a to deficitarno, nedifitarno vjerujte za koju godinu nećemo imati ni onih koji nisu deficitarni uopšte. Odoše nam obrazovani ljudi preko granice u velikom broju iz cijele BiH, a evo uzmite i sa Biroa koliko ljudi je naših otišlo. Tako da borimo se za svakog našeg studenta, za svakog našeg stručnjaka, a deficitarno ćemo odrediti.

Predsjedavajuća OV, zaključujem raspravu i morat ćemo odvojiti Odluku od Kriterija prilikom izglasavanja. Idemo na glasanje i stavljam prijedlog Odluke o dodjeli studentskih stipendija redovnim studentima sa područja općine Maglaj za akademsku 2017/2018. godinu.

ZAKLJUČAK

8.1. Donosi se Odluka o dodjeli studentskih stipendija redovnim studentima sa područja općine Maglaj za akademsku 2017/2018. godinu.

Usvojeno jednoglasno 25 glasova za: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, Svjetlana Zamboni, Firuz Galijašević Nedžad Lokmić, Mirza Bradarić, Armin Hrnjić, Anida Šahman, Irena Herceg, (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Kanita Bašić, Fikret Delić, Mustafa Bešić, samostalni vijećnici.

AD - 9. Prijedlog Opštih Kriteriji za dodjelu stipendija redovnim studentima dodiplomskog studija sa područja općine Maglaj za akademsku 2017/2018. godinu;

Predsjedavajuća OV, po prijedlozima zaključaka kako su predlagani

Pauza za koalicioni blok

Predsjedavajuća OV, na pauzi koalicionog bloka gospođica Šahman koja je iznijela prva prijedloge ona se usaglasila zajedno s nama i iznosim stavove koalicionog bloka, a to je da se uvaži prijedlog vezan za prenošenje ovlasti na Općinskog načelnika vezano za deficitarna zanimanja na način kako je to predloženo od strane gospodina Ferića i mene, dakle izmjenom člana 3.

Sljedeći prijedlog zaključka jeste da se napravi jedna detaljna analiza, jednim pozivom kako bi se utvrdilo koliko to mi imamo studenata u inozemstvu, šta bi to značilo za Budžet općine Maglaj, da možemo takvoj odluci pristupiti sa jednom detaljnijom analizom iako smo svjesni da većina studenata koji odlaze u inozemstvo dobijaju i stipendije i da su korisnici raznih stipendija. Kakav je način da se utvrdi da li su oni korisnici stipendije o tome bi trebali malo više porazgovarati na nekoj od narednih sjednica i donošenje naredne odluke za slijedeću godinu.

Pauza za Klub SDA

Vijećnik Šefka Hasanić, klub SDA smatra da pored usvojene Odluke o dodjeli stipendija treba usvojiti i Kriterije koji su ponuđeni sa prijedlozima koji su ponuđeni za deficitarne kadrove. U narednom periodu kontaktirati sve privredne i druge subjekte i na taj način doći do podataka o deficitarnim zanimanjima i kao takve dati Općinskom vijeću na usvajanje.

Općinski načelnik, ja bih vas zamolio kad su u pitanju stipendije da isključite bilo kakve politike. Nemojte da se igramo sad pokretanja procedura, trajanja, ponovnih usvajanja, malo prije smo rekli što nismo isplatili do marta, sad bi to ganjali do oktobra. Kakva je razlika između potvrđivanja liste deficitarnih i kakva je razlika liste koju ćete dobiti ko je kao deficitaran, a želite da sve to pomjerimo do oktobra, novembra, decembra. Novac ima i stoji na raspolaganju kao što je i prošle godine odmah isplaćeno kad je donesena odluka. I sad ćemo riješiti po kratkom postupku i isplatiti novac. Ne vidim nikakvu suštinsku razliku. Ako mogu dati prijedlog, ja sam za prijedlog ovog bloka, iako je to meni dodatni posao.

Vijećnik Safet Jašić, ja mislim da nije dovoljno se razumila gospođa Hasanić, i mi to hoćemo i hoćemo da ide i kriteriji i Odluka o stipendijama neka ide ovaj put. Možda nije decido rekla mi hoćemo to da ide što prije, a u narednom periodu da se odrede šta su to deficitarni kadrovi i da to Općinsko vijeće podrži. I kriteriji i Odluka o stipendijama da ide što brže. To je naš prijedlog.

Vijećnik Hajrudin Ferić, ja smatram sve ono što je do sada bilo u ovim Kriterijima, da će svakako biti uobzireno od strane Načelnika i u narednom periodu, ako bude novih deficitarnih zanimanja, odnosno potreba da uvrsti i te. Dakle, za mene ništa nije sporno samo da ipak ovo odradimo zbog studenata do septembra ili oktobra.

Predsjedavajuća OV, dajem na glasanje prvi prijedlog koalicionog bloka jer je obuhvatio sve prijedloge diskutanata

Z A K L J U Č A K

9.1. Usvajaju se Opšti Kriteriji za dodjelu stipendija redovnim studentima dodiplomskog studija sa područja općine Maglaj za akademsku 2017/2018. godinu.

9.2. Ovlašćuje se Općinski načelnik da nakon prethodno provedenih konsultacija sa privrednim subjektima i institucijama utvrdi i opredijeli strukturu deficitarnih zanimanja.

9.3. Zadužuje se Služba za BiZ, opću upravu i društvene djelatnosti da pripremi analizu sa pokazateljima o studentima koji studiraju u inostranstvu.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Pauza za ručak do 13,45 sati.

Predsjedavajuća OV, upozna je prisutne da je gospodin Josip Jurišić najavio svoje odsustvo u ovom dijelu sjednice i nastojat će da se vrati, tako da Vijeće u daljem toku sjednice radi sa 24 vijećnika.

AD - 10. Informacija o planu upisa u osnovne i srednje škole na području općine Maglaj;

Predsjedavajuća OV, upozna je prisutne da je gospođa Hidić zvala i ovlastila gospodina Lokmića da u ime Gimnazije iznese neke stavove, tako da je pokrivena i ta ustanova.

Vijećnik Nedžad Lokmić, dobili smo svi materijale i u uvodnim napomena vidjeli smo nažalost da je i planiran i realiziran manji broj odjeljenja pri upisima i u osnovne i srednje škole. Ja ću se osvrnuti na detalje vezane za upis u Gimnaziju „Edhem Mulabdić“ i jedan komentar ću dati na rezultate upisa, a pogotovo kad se tiče upisa u Gimnaziju, odnosno srednje škole iz OŠ „Novi Šeher“. Vidjeli ste tamo da smo mi planirali tri odjeljenja da smo na kraju uspjeli upisati 37 učenika. Od tih 37 je 11 muških, 26 ženskih. Upisano je jedan učenik više u odnosu na proteklu godinu. Većinom su to dobri učenici, imamo dva učenika generacije, 6 učenika sa posebnim diplomama, 13 učenika je ostvarilo 90 bodova što znači da su imali uspjeh odličan u višim razredima OŠ i zaključke ocjene iz predmeta koji se boduju prilikom upisa, odnosno bodova, to su Bosanski jezik, matematika i strani jezik. Učenici su podijeljeni u dva odjeljenja. U jednom je 19 u drugom 18 učenika. Zanimljiv je i nažalost poražavajući podatak kad se tiče odziva djece iz pojedinih osnovnih škola.

Iz „Prve osnovne škole dobili smo 20 učenika. Iz OŠ „Maglaj“, 8 učenika iz OŠ „Novi Šeher“ 2 učenika, OŠ Šija 6 učenika i OŠ Matuzići 1 učenik. Mi se nadamo da će eventualno u naknadno upisnom roku pojaviti se još barem desetak učenika, ali želim ukazati na problem koji je svugdje prisutan i u općini i u kantonu i nažalost cijeloj državi, a to je manjak upisane djece, općenito manjak djece. Za pohvaliti je svakako ovaj odziv učenika iz Šija njih je 6 i jedan učenik iz Matuzića. Ponoviti ću iz OŠ „Novi Šeher“ imamo samo dva učenika i ako se ne varam u MSS imamo samo 5 upisanih učenika iz OŠ „Novi Šeher“. Ja se koristim prilikom da i pitam direktno direktora OŠ „Novi Šeher“, a zauzet ću stav i prijedlog zaključka da to ode kao zvaničan dopis odnosno upit ispred Vijeća, odnosno Općine Maglaj prema školi da nam se pokuša odgovoriti gdje su ta djeca, šta je sa tom djecom. Prošle godine smo imali je3dno odjeljenje učenika iz Novog Šehera, ako se ne varam njih je 37 završilo u Novom Šeheru. Jesu li svi otišli u Žepče u medicinsku ili u Zavidoviće, jesu li u medrese, da li se neko od djevojčica udao, dakle zamolio bih za konkretne informacije šta je sa tom djecom. Ako direktor može sada odgovoriti da li ima barem približne informacije ili ako ne sada onda naknadno za narednu sjednicu Vijeća.

Zijad Meškić, direktor OŠ „Novi Šeher“, kad je u pitanju OŠ „Novi Šeher“, mi smo ove školske godine imali 37 učenika koji su uspješno završili deveti razred i ja nemam informaciju gdje su učenici otišli. Uglavnom znam da je najveći broj kad je bila prezentacija u Šeheru i Gimnazije i MSS da su učenici uglavnom iskazali želju da se upišu maglajske škole i mi smo dali sve od sebe i rekli smo da se uglavnom djeca upisuju na općinu Maglaj. Nama je to svima interes isti. Možda negdje učenici čekaju taj drugi rok. Najvjerovatnije da su se prijavili najviše u općinu Žepče kad je u pitanju Medicinska škola i možda je nešto učenika otišlo i za Tešanj. Ja nema neku informaciju vi znate da je završetak devetogodišnjeg obrazovanja bio prije par dana, tako da se mi na vrijeme dostavili učenicima diplome. Ja se nadam u narednom periodu da će biti još učenika. Učenici najviše prate te medije da idu vani, pa se tako i opredjeljuju, vi svi znate da je to, oni misle da će odmah dobiti posao vani, a do toga je pokaju se mnogi učenici. Mi ćemo pratiti kad su u pitanju naši učenici iz Novog Šehera i nama je u interesu da te učenike usmjerimo na općinu Maglaj, a vjerovatno se dosta njih prijavilo u općinu Žepče, jer oni jednu godinu upisuju medicinsku, jednu godinu ne upisuju. Ja pretpostavljam, ove godine imam informaciju da se mali broj upisao u medresu možda 2-3 učenika, a najvjerovatnije najveći broj učenika je pokušao da se upiše u medicinsku u Žepču i možda u Tešanj.

Što se tiče upisa u prvi razred kod nas varira. Mi smo pretpošle godine imali upisanih 60 učenika u prvi razred, prošle godine smo imali 28, a ove godine smo imali 42 učenika. Znači od prilike najslabija nam je bila prošla godina. Imali smo 28 upisanih učenika u prvi razred, dok ova godina je prilično dobra, odnosno pretpošla je bilo upisanih oko 60 učenika i mi po godišnjem planu imat ćemo dva prva razreda, a ovo ćemo pratiti kad je u pitanju ovi učenici. Mene je zvala i direktorica Hidić, nama je svima isti interes, ja se borim i dajemo sve od sebe i kad su u pitanju profesori koji dolaze vršiti prezentaciju u Šeher mi dajemo sve od sebe. Djeca se anketiraju i sve ja urađeno dobro i kvalitetno od strane Gimnazije i MSS, međutim, vjerovatno ovaj problem što mediji govore o toj medicinskoj školi da odlazi taj mladi kadar. Mnogi se pokaju odu u inostranstvo rekne se jedno, međutim drugo bude. Ja se nadam da će ovi učenici koji lutaju da će se prijaviti u maglajske škole.

Ermin Tanković, direktor MSS Maglaj, vezano za plan upisa u MSS Maglaj, mi smo kao i proteklih godina učinili part koraka kao što svake godine radimo, izvršili smo anketiranje učenika 9-tih razreda, obradili smo te

podatke i sjeli na nivou škole. Svaki mjesec dobijamo i biltene sa Biroa za zapošljavanje općine Maglaj, tako da smo od prilike na osnovu toga i napravili taj upisa. Ove školske godine završavalo je ukupno 185 učenika i shodno tome smo mi i pravili plan. Svjesno smo ostavili nekih 41 učenika nismo ga uplanili u našu školu da bi ti učenici na kraju završili u Gimnaziji.

Rezultati ankete ja želim da vas upoznam i sa tim podacima, pored onih škola, zvanja i zanimanja koja mi nudimo djeci u našoj školi mi smo ponudili i opciju prazne linije gdje su učenici mogli da upišu školu koju oni žele a koju mi nismo u tom momentu ponudili. Rezultati te prazne linije su bile: Gimnazija 17 učenika, medicinski tehničar 1 učenika, medresa 4 učenika, kuhar 4 učenika, automehaničar 2 učenika i program na CCNC mašinama jedan učenik. To je od prilike za zanimanja za neke druge škole koje mi trenutno nismo u mogućnosti da ponudimo.

Što se tiče realizacije plana upisa vidjeli ste u materijalu koji smo vam dostavili da smo mi ove godine planirali tri odjeljenja tehničke škole, od toga jedno odjeljenje elektro tehničar energetike s obzirom na rezultate te ankete gdje je jako puno učenika iskazalo interes za tom školom. Ponudili smo dva kombinovana odjeljenja jedno odjeljenje ekonomski tehničar i hemijski tehničar općeg smjera i drugo odjeljenje je tehničar drumskog saobraćaja i mašinski tehničar. Sve je to nastalo, čak mi nismo ove godine ni razmišljali o tehničarima drumskog saobraćaja međutim, evo pokazao se interes kod te djece i upravo da bi ih zadržali ovdje na području općine Maglaj, mi smo se odlučili da tražimo saglasnost od nadležnog Ministarstva po pitanju ovo po pola odjeljenja i hvala Bogu i hvala Ministarstvu što su nam omogućili da jednu malo širu lepezu ponudimo učenicima s obzirom na mali broj učenika koji su završavali 9-te razrede.

Što se tiče stručnih škola vidjeli ste da smo isto tako imali tri kombinovana odjeljenja, imamo elektromehaničar, elektroenergetičar, zavarivač i bravar i proizvođač celuloze i papira. Dakle, što se tiče rezultata nakon završenog upisnog roka tehničke škole smo upisali onako kako smo i planirali tu nije bilo nikakvih problema. Što se tiče zanimanja dakle, trenutno najtraženije zanimanje među svršenim osnovnoškolcima na području općine Maglaj bilo je za elektromehaničare i zavarivače. Dakle, to su dva zanimanja koja smo mi morali bodovati s obzirom da se prijavio veći broj od onoga planiranog i dakle, oni učenici ikoji nisu primljeni u ta zanimanja usmjerili smo u zanimanja gdje je bilo mjesta. Nažalost ono što je i nas malo iznenadilo jeste s obzirom da je Maglaj poznat po tekstilnoj struci i „Natron-Hayat“, što se tiče ovoga zanimanja krojač i proizvođač celuloze i papira tu se prijavilo 9 učenika za krojače, i 9 učenika za proizvođača celuloze i papira. To su oni rezultati volja i želja učenika. Ono što smo mi mogli da ponudimo smo ponudili. Bili smo voljni i ubuduće smo voljni da razgovaramo ozbiljno na nekim temama uvođenja nekih novih struka. Kada smo imali tematsku sjednicu, pa poslije tematske sjednice smo imali jedan radni sastanak u Općini Maglaj, mi trenutno nismo u mogućnosti što se tiče radionica i uslova da otvaramo neka nova zvanja i zanimanja. Naravno tu smo da razgovaramo ako ima nekog interesa i lokalni privrednici trebaju da dođu do nas i mi do njih nije nikakav problem na poziv, da vidimo koji su to uslovi koje trebamo mi da ispoštujemo. Šta to treba da nabavimo unutar škole da bi mogli da obrazujemo taj kadar. Mi smo razmatrali ovaj plan upisa na nastavničkom vijeću, evo i prijedlog za lokalne privrednike da razmišljaju o uvođenju i nekih stipendija za ta neka zanimanja koja su potrebna na lokalnom nivou. U najmanju ruku da to bude možda mjesečna karta za te učenike. Trenutno tako djeca razmišljaju, mediji su čudo. Kod nas se iz OŠ „Novi Šeher“ pojavilo oko 20-tak učenika.

Predsjedavajuća OV, bilo je diskusija i u okviru ove tačke o stipendijama, pa je bilo sugestija vezano za Budžet za narednu godinu da se možda porazmisli i na tom nivou da se uvedu stipendije i za učenike srednjih škola, jedna tema za razmišljanje. Molim Službu da sve ove sugestije uzmu u obzir pa kada budemo slijedeće godine razmatrali ovu tačku imamo i nekih rezultata boljih po pitanju upisa u srednje škole na području općine Maglaj.

- Informacija o planu upisa u osnovne i srednje škole na području općine Maglaj, prima se k znanju.

AD - 11. Odluke razrješenju članova Vijeća Mjesnih zajednica i Odluke o imenovanje povjerenika u:

- a) MZ Ulišnjak;
- b) MZ Misurići;

Otvaram raspravu

Vijećnik Safet Jašić, što se tiče ove tačke dnevnog reda, Klub vijećnika SDA ima četiri zaključka po ovome koja ću sada decidno iznijeti:

1. Zaključak Općinskog vijeća Maglaj vezano za izbore u mjesnim zajednicama je u suprotnosti sa Statutom općine i Statutom Mjesne zajednice.
2. Odluka o razrješenju predsjednika i članova Vijeća MZ Ulišnjak i MZ Misurići je u suprotnosti sa Statutom Općine i Statutima navedene dvije mjesne zajednice.
3. Odluka o imenovanju povjerenika MZ Ulišnjak i MZ Misurići je u suprotnosti sa Statutom Općine i Statutima navedene dvije mjesne zajednice.
4. Mi znamo da je ova odluka nezakonita, i naravno da će biti da Klub vijećnika SDA će tražiti preispitivanje zakonitosti ovih odluka u skladu sa pozitivnim zakonima i propisima koji tretiraju ovu oblast lokalne samouprave.

Ovdje nisu dobre namjere kad je u pitanju uređenje i rad mjesnih zajednica. Ako se htjelo da se poboljša rad mjesnih zajednica na cijeloj teritoriji općine Maglaj trebalo je raditi slijedeće. Mjesne zajednice po važećem Statutu može se uvesti povjerenik u dva slučaja. Jedan je slučaj nerad mjesne zajednice, i drugi slučaj povreda Statutarnih odredbi Statuta Općine i Statuta MZ. Aktuelni Statut Općine i aktuelni Statuti MZ su na snazi. Dalje, trebalo je krenuti, evo ja ću uzeti za primjer odakle je trebalo krenuti, jeste da MZ Maglaj-grad ne radi godinama i nikom nije na um palo da uvede povjerenika u MZ Maglaj-grad. Da MZ kao što je Krsno Polje, Bakotić, Rakovac itd. U kojima treba posebnu brigu voditi i organizovat ljude da te mjesne zajednice rade, jer stalno kad god su bili sastanci tih mjesnih zajednica ti ljudi su dolazili ovdje i sami govorili kako su prijavljeni u Doboju da su prisiljeni da rade, a znaju da su nezakonito postavljeni za predsjednike Vijeća MZ. Ovo je stav Kluba i mi smo dobili tumačenje Federalnog ministarstva i mi ćemo se držati ovoga. Ako je dobra namjera, hajmo da uradimo ove dvije stvari da poštujemo Statut i da uradimo ove dvije stvari a ne idemo kontra. U dobro uređenim mjesnim zajednicama pokušava se nametnuti nešto što nije u interesu tih mjesnih zajednica. Evo primjera Maglaj-grad gdje je najbolji primjer. 7-8 mjesnih zajednica ima koje rade odlično i vrijeme će pokazati svoje, ali mislim da sam u pravu, poznajem stari Statut, pa ako ima neko iz Službe da kaže nešto, ali naravno da ćemo mi svoja prava tražiti i preispitivati svaku narednu odluku.

Pauza za mješoviti klub.

Predsjedavajuća OV, zaključujem raspravu i dajem na glasanje prijedlog zaključaka iznesen od strane Kluba SDA , ko je za.

Glasalo 11 glasova za: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Glasalo 13 glasova protiv: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici.

Dajem na glasanje prijedlog Odluke pod a) i b)

Z A K L J U Č A K

11.1. a) Donosi se Odluka o razrješenju članova Vijeća Mjesne zajednice Ulišnjak.

11.2. a) Donosi se Odluka o imenovanju Povjerenika u Mjesnoj zajednici Ulišnjak.

Z A K L J U Č A K

11.3. b) Donosi se Odluka o razrješenju članova Vijeća Mjesne zajednice Misurići.

11.4. b) Donosi se Odluka o imenovanju Povjerenika u Mjesnoj zajednici Misurići.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici.

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD - 12. Prijedlog Odluke o raspisivanju Konkursa za popunu upražnjenog mjesta UO JU „Dječiji vrtić“Maglaj.

Predsjedavajuća OV, želim da kažem da ću ja već u toku sutrašnjeg dana gospođu Elifu kontaktirati i utvrditi da li je popuna i tog članstva u pitanju ili samo popuna mjesta iz reda uposlenika.

Otvaram raspravu, nije bilo rasprave i predlažem na glasanje

Z A K L J U Č A K

12.1. Donosi se Odluka o raspisivanju Konkursa za popunu upražnjenog mjesta UO JU „Dječiji vrtić“ Maglaj.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Fikret Delić, Mustafa Bešić, Kanita Bašić samostalni vijećnici.

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD - 13. Informacija o preduzetim pravnim koracima od strane Općinske pravobraniteljice i administracije vezano za predmet „Transey“;

Predsjedavajuća OV, skida se s dnevnog reda za narednu sjednicu tačka Informacija o preduzetim pravnim koracima od strane Općinske pravobraniteljice i administracije vezano za predmet „Transey“, jer nema izvjestioca.

AD - 14. Informacija o stanju zaštite od požara na području općine Maglaj u 2017. godini;

Vijećnik Hajrudin Ferić, nekako nam ove informacije uvijek prođu nezapaženo i ove o prirodnim nesrećama i požarstvu i vatrogastvu itd. Ja sam htio vas pitam nešto. Na 144. Sjednici Vlade ZDK održanoj 24.05.2018.godine prihvaćen je Program utroška sredstava za posebne namjene za zaštitu i spašavanje. 40.000,00 KM dobilo je dobrovoljno Vatrogasno društvo Maglaj. I onda dole stoji ukoliko DVD ne funkcionišu, ne zadovoljavaju kriterije, ta sredstva će biti povučena, samo su tri općine tri DVD dobila, daće se drugom općinskom DVD. Pošto ja znam da je obaveza po zakonu da imamo DVJ da imamo i da je nešto rađeno, znam da ste vi gospodine Smajlagiću tu aktivno bili i vjerovatno ste još uvijek, ja postavljam pitanje šta je s tom DVJ, šta je sa ovim sredstvima? Vidim da vi klimate glavom očito nemate informacija da ste dobili 40.000,00 KM i to za nabavku navalnog vozila koje piše tamo da vam je potrebno.

Drugo mene zaista interesuje a niste to napisali kakvo nam je stanje sa hidrantnom mrežom, kakvo nam je stanje sa protivpožarnim aparatima u stambenim, stambeno poslovnim zgradama, privrednim, kakva je saradnja sa upraviteljima zgrada, kako i čime radite, kako namjeravate da rješavate probleme eventualno ne daj bože požara u visokim stambenim zgradama ? DA nam bude ta informacija malo cjelovitija.

Zamolio bih vas da čujem od vas mišljenje nekad davno stari vijećnici se sjećaju da je Općinsko vijeće Maglaj donijelo odluku o naknadama za vatrogastvo koja je bila tu negdje i ušutilo se. Prateći, analizirajući sve susjedne općine oko nas, vidim da one imaju i da naplaćuju tu odluku o naknadama. Šta je problem što nemamo kod nas, da li je to moguće? Da li je moguće da nam za slijedeću sjednicu OV napravite jednu informaciju o tome da bismo mi eventualno mogli pokrenuti postupak , proceduru da donesemo jednu takvu odluku i da nađemo jedan od sistemskih načina finansiranja protivpožarne zaštite odnosno zaštite od požara.

Vijećnik Safet Jašić, mi nećemo iznositi svoje primjedbe, dovoljno je izneseno. Iz tog razloga Klub SDA predlaže da ovaj prijedlog bude kao nacrt Odluke. Informaciju primamo k znanju.

Mehmed Smajlagić, što se tiče pitanja gospodina Ferića za naknade za vatrogastvo. Općinsko vijeće je u prošlom sastavu imalo prijedlog Odluke o finansiranju za vatrogastvo, međutim, Vijeće tu odluku nije prihvatilo i jednoglasno je odbilo tu odluku. Ja se slažem sve općine susjedne imaju tu naknadu za vatrogastvo. Zašto? Jer budžeti Općine nisu u mogućnosti da obezbijede sva ta sredstva koja su potrebna za nabavku novih vatrogasnih vozila i opreme. Međutim, ja ne znam zašto to Vijeće nije prihvatilo iz prošlog saziva. Vi ste bili na toj sjednici to je jednoglasno odbijeno i nije se prihvatilo da ide ta naknada.

Što se tiče ovih sredstava od 40.000,00 KM DVD. DVD postoji ono i dan danas živi. Međutim, poenta je u tome što DVD mora formirati jednu jedinicu od 12 dobrovoljaca kako bi na osnovu tih 12 dobrovoljaca bila proglašena Službom za zaštitu i spašavanje. Kad to donese Općinski načelnik i Služba CZ tu odluku, onda će Kantona uprava CZ dati ta sredstva i oni su planirali jedno vatrogasno vozilo ako to uradimo ove godine. To je to. Sada je u pitanju jedinica treba da se formira i da Općinski načelnik i Služba CZ daju saglasnost da je proglase Službom za zaštitu i spašavanje i onda mi dobijamo ta sredstva i finansiramo se od Kantonalne uprave za CZ.

Dalje, što se tiče protivpožarnih aparata i sredstava to su dužni vlasnici i upravitelji zgrada da nabave aparate i da što se tiče hidrantske mreže da obezbijede stanje hidrantske mreže. Upravitelji su dužni da to nabave.

U prijašnjem zakonu je bilo vlasnici stanova, međutim sad kako je prešlo na upravitelje, oni su to dužni nabaviti.

Predsjedavajuća OV, znači ove aktivnosti su u toku i možemo očekivati do kraja godine da se okončaju i da ta sredstva legnu na račun Općine Maglaj. Nije bilo konkretnih prijedloga. Vi ste pojasnili ove dileme koje je imao gospodin Ferić, a on je rekao da bi bilo potrebno napraviti Analizu vezanu za naknadu za vatrogastvo i da se na osnovu toga opredjeljujete. Možete ponovo ponuditi tu odluku Općinskom vijeću imate pravo ponudite je ponovo pa ćemo vidjeti kako će se očitati Općinsko vijeće o tome.

- Informacija o stanju zaštite od požara na području općine Maglaj u 2017. godini, prima se k znanju, uz sugestiju:

- Da se pripremi kompletna Analiza o mogućnosti uvođenja naknade za vatrogastvo tj. da se Općinskom vijeću ponudi na razmatranje Odluka o fondu za protivpožarnu zaštitu pravnih subjekata na području općine Maglaj.

AD - 15. Informacija o toku i aktivnostima na izradi Prostornog plana općine Maglaj;

Otvaram raspravu

Vijećnik Hajrudin Ferić, ja bih zamolio sve vijećnike i sve građane koji će sve ovo pratiti putem snimka da se u narednim fazama izrade Prostornog plana općine Maglaj uključe aktivnosti da ne bi poslije kukali nismo znali ili zašto je ovo ovako regulisano ili onako. Već postoje informacije jučer i ranijih dana da dolaze potencijalni investitori da rade neke, evo imali smo i na sjednicama OV imali smo nekih inicijativa. Taj prostorni plan će biti ili ograničavajući ili jedan relaksirajući slobodni faktor, jako važan faktor za naredni razvoj općine Maglaj. Još jedanput molim i pozivam sve da se uključe u dalje faze izrade Prostornog plana.

Predsjedavajuća OV, uvažavajući ovaj apel gospodina Ferića za uključenje građana i vijećnika u izradi prostornog plana Maglaj, predlažem

- Informacija o toku i aktivnostima na izradi Prostornog plana općine Maglaj, prima se k znanju.
- Obavezuje se Služba za urbanizam, geodetske i imovinsko pravne poslove, da upute Apel građanima da se aktivno uključe u naredne faze u izradi Prostornog plana Maglaj.

AD - 16. Informacija o gazdovanju šumama na području općine Maglaj za 2017. godinu;

Predsjedavajuća OV, putem maila dobili ste jednu širu informaciju koja se našla na Vladi pa ste mogli i tu određene podatke pronaći. Izvjestilac je tu i može odgovoriti na neka pitanja ili dileme od strane vijećnika.

Otvaram raspravu

Vijećnica Svjetlana Zamboni, i u materijalima koje smo dobili vidjeli smo da vi predviđate na određeni način da se u nekom narednom periodu predvide sredstva za sanaciju određenih lokalnih cesta, a za štete koje su nastale zbog prekomjernog korištenja tih lokalnih cesta, ja bih samo predložila ili kako reče dopredsjedavajući da podsjetim Načelnika na njegovu zakonsku obavezu a to je da se ponude određene mjere, modaliteti kako zaštititi općinsku infrastrukturu, ne samo od vozila koja su u Službi ŠPD, nego i svih drugih vozila koja prevoze te prekomjerene terete i koja time čine velike štete na kompletnom infrastrukturi širom općine Maglaj.

Predsjedavajuća OV, zaključujem raspravu i predlažem

- Informacija o gazdovanju šumama na području općine Maglaj za 2017. godinu, prima se k znanju.

-Obavezuje se Općinski načelnik i Službe da iznađu modalitete kako zaštititi općinsku infrastrukturu od uništavanja i propadanja od strane svih učesnika u eksploataciji šume.

Brifing Općinskog načelnika nećemo imati, jer Načelnik ima goste iz Federacije i Kantona.

VIJEĆNIČKA PITANJA I INICIJATIVE

Vijećnik Mustafa Bešić, ja sam na jednoj od prošlih sjednica ukazao na problem vezano za mezaristan „Podborik“. Gore se nalaze naši šehidi koji su dali najviše za ovu državu BiH. Bili ste za Bajram obišli najmilije i vidjeli ste da nišani nisu u položaju kako treba, nageti su, oštećeni. Ja sam dobio na prošloj sjednici prije Ramazana bili su ovdje udruženje šehida i Načelnik nam je obećao da će se pomoći da se to sanira. Mislim da nije u redu za ovo društvo da ono nako gore stoji. Tražim i sad podršku da se to uradi, jer to je ogledalo svih nas.

Vijećnica Šefka Hasanić, na jednoj od prethodnih sjednica mislim da je bila 16. redovnoj sjednici O. Postavila sam vijećničko pitanje koje se odnosilo na nastavak izgradnje Ulice Srebrničkih žrtava rata, sa pitanjem da li su obezbjeđena sredstva za sanaciju i koja je dinamika izvršenja radova na nastavku izgradnje Ulice Srebrničkih žrtava rata ? Do sad nisam dobila odgovor, pa ponovo postavljam vijećničko pitanje i podnosim u pismenoj formi.

Vijećnica Dženita Smajlović, podnosim vijećničku inicijativu da se prvenstveno u MZ Čobe (jer sam tu dobila sugestiju od mještana) da se na autobuskim stajalištima postave klupe i nadstrešnice, pogotovo imajući u vidu potrebe naših starijih mještana, mislim da bi im se na taj način dosta olakšalo. Prvenstveno za Čobe, ali i za Kopicice. Domislicu i ostale MZ na Novošeherskom kraju i u svim ostalim gdje je to potrebno i gdje se može ili gdje postoje, ali ih je potrebno popraviti.

Vijećnik Fikret Delić, inicijativa MZ Kopicice, 2014.godine kad su bile poplave, dogodilo se jedno klizište u Kopicicama. Međutim, sad u zadnjih 7 do 10 dana kiše su nanijele veliku štetu ponovo tako da je sada nemoguće autom proći. Zamolio bih Načelnika i Službu da izađu ako je ikako moguće to su me zamolili mještani da se sanira koliko može, to je jedini put od stanice prema Jezerskom brdu. Zamolio bih Načelnika da se sanira ukoliko je to moguće i koliko ima sredstava.

Vijećnik Hajrudin Ferić, ja ću pokrenuti jednu inicijativu a ako ne bude odgovora tražit ću na slijedećoj sjednici Vijeća da se glasa o toj inicijativi. Inicijativa je da se za slijedeću sjednicu Općinskog vijeća pripremi Informacija o stanju sporta na području općine Maglaj.

Prema Zakonu o lokalnoj samoupravi neka od osnovnih kompetencija lokalne samouprave i Općinskog vijeća između ostalog je i da rješavamo i vodimo politiku u oblasti sporta, rekreacije, a već dvije godine mandata prolazi a mi nismo progovorili riječi o tome.

Zašto ovo spominjem u posljednje vrijeme tako puno je natpisa, informacija, rečenica, govora o problemima u pojedinim sportskim klubovima, prije svega fudbalskim klubovima na području općine Maglaj, da ne govorim i u drugim sportovima, tako da bi nama trebalo da mi dobro to sve iskristališemo i izdetaļišemo, proanaliziramo i utvrdimo eventualno neke smjernice i dalje pravce razvoja sporta na području općine Maglaj. Ja mislim da ne treba ovo puno obrazlagati, a naravno da u toj informaciji treba da bude i stanje sa sportskim objektima. Trenutno stanje i sve ostalo. Smatram da bi bilo i neozbiljno i ponižavajuće da na sjednicama Općinskog vijeća ne progovorimo ništa kad je u pitanju taj sport i rekreacija.

Vijećnik Edib Delić, pokrećem inicijativu da se uradi Regulacioni plan za područje MZ Moševac i u okviru Regulacionog plana da se definiše poslovna zona Moševac duž magistralnog puta M-17 sa obje strane puta.

Adis Abdurahmanović, zašto se ne odgovara na moja vijećnička pitanja koja sam postavio na 17., pa ponovio na 18. sjednici OV i ne vidim svrhu da dalje postavljam pitanja. Imam nekih pitanja od građana, ne želim postavljati pitanja dalje, pošto se ne odgovara na moja pitanja, neka se obrate nekom drugom.

19. sjednica Općinskog vijeća završena u 14,45 sati.

Zapisničar:
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

